

20.791

32.9 : 14

8 - 85

98

05 FEB 2007

29.14
S-90

3562

ԴՕԿ. Ե. ՔՐԱՆԳԵԱՆ

ՀՅՈՒՐԱԿԱԳԻՏԱԿԱՆ

ԷՏԻՒԴՆԵՐ

Հ. Յ. Դաշնակցութեան

ՍՈՅԻԱԼ-ՓԻԼԻՍ. ԱՇԽԱՐՀԱՅԵՑՈՂՈՒԹԵԱՆ
ՀԻՄՆԱԿՈՐՄԱՆ ԸՆԴՀԱՆ

ԲԱԳԱԺ

Տպարան „Արամազդ“

1917 թ.

15 JAN 2010

329.14

Գ - 85

ԳՈՎԱ. Ե. ԳՐԱՆԳԵԱՆ

ՀԱՅԱՍՏԱՆԻ ՏԻՄԱԿԱՆ
ԵՏԻՒԴՆԵՐ

Հ 1364

Հ. Յ. Դաշնակցութեան

ՍՈՑԻԱԼ-ՓԻԼԻ. ԱՅԽԱՐՀԱՅԵՑՈՂՈՒԹԵԱՆ
ՀԻՄՆԱՌՈՒՄՆ ԾՈՒՐՃԸ



ԹԱՅԱՐ

Տպագրական արհեստանոց

1917 թ.

162

06 SEP 2013

20.791

— 3 —

ՀԱՍՏԱՐԱԿԱՆԻ ԻԴԵԱՆԻ ԱՐԺԵՔԸ.

Մեր դարը գերազանցապէս սօցիալական պլու-
լէմերի դար է: Հասարակական բնոյթ կրող հարցերն
են բռնում կենտրոնական տեղ: Հասարականացման
պրօցէսը խիստ արագ տեմպով առաջ է գնում կեան-
քի և գիտութեան բոլոր սահմաններնւմ: Սօցիալական
փիլիսոփայութիւնը զգալապէս գրաւում է կենտրոնա-
կան տեղ փիլիսոփայական մտայդացումների մէջ: Ան-
կասկած, փիլիսոփայական միտքն ևս չէր կարող միան-
գամայն զերծ մնալ այդ շեշտած հասարականացման
պրօցէսի գունաւորումից: Մեր դարում զուտ իմացա-
բանական և մետաֆիզիկական որոնումները կարծես
թէ երկրորդ գծի վրայ են մղւում:

Այժմ արժեթների դար է: Այժմ արժեթների փի-
լիստիայորեան յաղթանակի օրն է: Բաւական է
միայն մի թեթև ակնարկ ձգել մեր օրերի գերիշող
փիլիսոփայական ուղղութիւնների վրայ, որ համոզու-
ենք մեր այդ մտքի ճշառութեան մէջ: Ցիշենք վեր-
ջերս այնքան աղմկող փիլիսոփայական ուղղութիւնը՝
պրականական, ապա Օսվալդի հներգեսիկ գործնա-
կան փիլիսոփալթիւն, որ խօսում է անգամ իր փիլի-
սոփայութեան կատեգորիկ հրամայականի մասին:
Ցիշենք, վերջապէս, օրւայ հերոսին, Հանրի Բերգսո-
նին, նրա ինտուիտիւ փիլիսոփայութիւնը, ինչպէս և
Ռիկերտի ու Վինդելբանդի արժեքների փիլիսոփայու-
թիւնը, որ այժմ արտակարտ արագութեամբ և մեծ
չափերով նւաճումներ է անում: Դեռ երկար կարե-



21367+

մի է այդպիսի ուղղութիւնների շարքը շարունակել։
Նօրմատիւ գիտութիւնները կամաց-կամաց առաջնա-
կարգ տեղ են գրաւում. մի երեսոյթ, որ շատ յատ-
կանշանական է մեր դարի համար։ Մեքենական-
տեսական գիտութիւններն առհասարակ, մեքենա-
կան մտածողութիւնը այլևս գերիշխող և գունաւորող
չէ։ Մեքենականի հետ հաւասար, եթէ ոչ աւելի, գե-
րիշխում է այժմ նօրմերի սիստէմը։ Գնահատութիւն,
ազատ և ակտիւ գործունէութիւն։ — Ահա ժամանակի
ողին բնորոշող գծեր։

Կենարոնական խնդիրն ինքը կեանքն է, կեան-
քի պլրօբլէմը և ըմբռնումը։ Մարդը կղզիացած չէ։
Նա հասարակական մի կենդանի է։ Նա կեանքում,
հասարակութեան մէջ է ստանում իր հասարակա-
կան բարձր արժէքը և իմաստը։ Նա ապրում, մնւում,
շնչում, մեծանում և գործում է այդ հասարակական
կեանքի եռուն հարցերի շրջանակում։ Կեանքը դնում
է մարդու, հասարակական խմբակցութեան առաջ մի
էական հարց։ Նա չը պէտք է միայն լաւ հասկանայ
այդ կեանքը՝ իր բոլոր կողմերով։ Ո՞չ. նա ունի մի
մեծ խնդիր ևս, հասկանալով և գնահատելով այդ
կեանքը, նա պէտք է ձգտի միաժամանակ աւելի
բարձրացնել և ազնւացնել կեանքը, հասարակական
նոր և բարձր ձևեր ստեղծել, նոր և բարձր նօրմերի
տակ դնել այն։

Այդ գնահատութեան և կեանքի նոր ու բարձր
ձևերի ստեղծման հիմքում դրւած է մեր իդէալը,
իդէալի ըմբռնումը։

Ի՞նչ է իդէալ։ Իդէալը մեր համոզումների, ըմ-
բռնումների և տեսակէտների ձևակերպումն է, մեր

հասարակական, բարոյական, քաղաքական մասնակի
նպատակների գումարն է, պարունակումը։ Հասարա-
կական իդէալի իդէան հասարակագիտութեան էական
և վախճանական հարցն է, մի երիտասարդ գիտու-
թիան, որ իրաւամբ համարում է գիտութիւնների
պատկը և որն այնպէս նւաճումներ է անում ու զօ-
րաւոր կուտաններ գտնում։

Մեծ է, անչափ մեծ հասարակական իդէալի ար-
ժեքը և նշանակութիւնը։ —

Իդէալը մի լուսատու ջան է, որ լուսաւորում է
մեր կեանքի և գործունէութեան ուղին և ամեն մութ
խորշեր։ Իդէան է մեր զեկավար տեսակէտը հասա-
րակական կեանքում և նրա բազմագան երեսոյթների
աշխարհում։ Իդէալը մեր բոլոր քայլերի, մեր վար-
մունքի զեկավար կանոնն է, չափանիշը։ Առանց այդ
հասարակական իդէալի՝ ոչինչ չի կարելի անել
առհասարակ, անգամ առօրէական կնանքում։ Առանց
այդ լուսատու ջանի, հասարակական իդէալի, մեր
ամբողջ կեանքը մի խարխափում կը լինի, մեր գոր-
ծունէութիւնը՝ անպլանաչափ և աննպատակաւոր,
նամանաւանդ աններդաշնակ և աննետենողական։ Դեռ
տեղին։ Նման դէպքում մեր գործունէութիւնը կը
լինի հակասական, քառային, մեր քայլերն՝ երերուն,
անհաստատ, մեր աշխարհը՝ աղօտ և մշուշային։

Առանց այդ հասարակական իդէալի, մեզ համար
հասկանալի չէ լինելու, թէ ինչու մենք այս կամ
այն հասարակական հիմնարկութեան մէջ մասնակ-
ցում ենք, նպաստում նրա գոյութեան և ծաղկման,
իսկ մի այլ հիմնարկութեան հանդէպ բացասական
դիրք բռնում։ Առանց ալդ իդէալի մեզ համար միան-

գամայն անըմբոնելի կը մնայ, թէ ինչու այս հասարակական երեսյթը կամ շանդումը համարում ենք առաջադիմական, իսկ մի այլ երեսյթ կամ շարժում՝ յետադիմական:

Իդէալն է միաժամանակ մեզ հնարաւորութիւն ընձեռում այս կամ այն բարոյագիտական, փիլիսոփայական ուղղութիւնը գնահատելու, նրանց արժեքը որոշելու և մեր վերաբերումը պարզելու: Եթէ զուրկ լինենք իդէալի պարզ գաղափարից, եթէ չունենանք մի ընդհանուր սօցիալ-փիլիսոփայական աշխարհայեցողութիւն, որին ժամանակ շատ հեշտութեամբ և յաճախակի կը թեքուենք դէպի այս կամ այն մտայդացումը, այս կամ այն հասարակական աշխարհայեցողութիւնը:

✓ Իդէալը անցեալի, անցեալ բովանդակ կեանքի գնահատութեան լաւագոյն և միակ չափանիշն է, ներկայի ընդհանուր սկզբունքը, ապագայի պատկերը և ընթացքը լուսաւորող ջահը:

Առանց այդ իդէալի, ամբողջ անցեալ կեանքը, ազգերի ամբողջ պատմութիւնը մեզ կը ներկայանար մի քաօս, մի լարիւրինթոս, մի վայրիվերում, խառնակ և անկարգաւորեալ աշխարհ: Իդէալի, ընդհանուր աշխարհայեցողութեան չնորհիւ է միայն հնարաւոր լինում այդ վայրիվերումը կարգի բերել, լարիւրինթոսը որոշ սիստէմի ենթարկել և այդ խառնակ աշխարհի զանազան փուլերն որոշել:

Այդ իդէալն է միաժամանակ որոշում պատմութեան ամբողջ ընթացքը և նրա իմաստը: Որպէս կենտրոնական մի ջահ, իդէալի տեսակէտը լուսաւորում է ամբողջ պատմական աշխարհը: Պատմական

բոլոր փաստերը և եղելութիւնները այդ լոյսի տակ են քաշում և գնահատութեան ենթարկում ու իրենց տեղը բոնում: Ամեն մի պատմաբան, պատմական երեսյթները հետազօտող շատ լաւ պէտք է գիտնայ, թէ ինչու այս կամ այն փաստը յիշում է, իսկ մի այլ փաստ ոչ միայն չի յիշատակում, անգամ չի էլ նկատում: Դա պատմականութեան արդիւնք չէ, այլ մեր իդէալի, ընդհանուր հասարակական աշխարհայեցողութեան արգասիք: Այդպիսի միաձոյլ և ընդհանուր տեսակէտով կատարւած աշխատանքը միայն կարող է գիտական որակւիլ: Հակառակ պարագային այդ աշխատանքը կը լինի մի կօնզումերատ, պէտքական և անպէտք պատմական տեղեկութիւնների և փաստերի մի հաւաքածու: Այդպիսի աշխատանքը լաւագոյն դէպօտում կարող է դիտել որպէս հում նիւթ, բայց միանգամայն զուրկ գիտական արժէքից: Իդէալի, ընդհանուր աշխարհայեցողութեան արդիւնք է այն, որ մէկը պատմութիւնը բնորոշում է որպէս իդէալի յաղթանակ, հետեապէս այդ տեսակէտով էլ գնահատում ամբողջ պատմութեան ընթացքը: Մէկը այդ պատմութիւնը գնահատում է Տեսեականի աեսակէտով՝ ելակէտ ունենալով ժողովրդի տնտեսական բարօրութիւնը: Մի ուրիշը հումանիզմի տեսակէտով է դիտում ամբողջ պատմութիւնը և հումանիզմի յաղթանակը ցուցադրում պատմութեան զանազան դարաշրջաններում: Մէկը իրաւական, միւսը բաղաքական կողմն է շեշտում և ղեկավար սկըզբունք համարում և այլն: Այդ բոլորն արդիւնք է իդէալի, կեանքի ընդհանուր ըմբռնման:

Այդպէս է իդէալի գերը նաև ներկայի և ապագա-

յի վերաբերմամբ: Իդէալի լոյսի տակ են արժէքաւորում երեւոյթները և փաստերը ներկայումս, ինչպէս և այն ուղին, որ ձգւում է մեր առաջ դէպի մօտաւոր և հեռաւոր ապագան:

Անշուշտ, տարբեր է կեանքի իմաստը և խորհուրդը մէկի կամ միւսի համար, ինչպէս և տարբեր է նրանց լիդալը, ընդհանուր հասարակական հայեցակերը: Բայց այդ չէր մեզ այժմ զբաղեցնողը: Մենք ուզում էինք այս էտիւդում ցոյց տալ միայն իդէալի մեծ արժէքն ու նշանակութիւնն առհասարակ՝ առանց մտնելու դեռևս նրա բովանդակութեան վերլուծման մէջ:

II

ՊՐՕԳՐԵՍԻ ԳԱՂԱՓԱՐԸ

Պրօգրէսը հասարակագիտութեան ամենահիմնական և վախճանական հարցն է: Այս հարցի մասին դեռ գոյութիւն չ'ունի մի ընդհանուր հայեցակէտ: Տիրում են իրար միանգամայն տրամադօրէն հակադիր ըմբռնումներ: Այլպէս է զրութիւնը ոչ միայն պրօգրէսի բովանդակութեան տեսակէտից, այլև պրօգրէսի սոսկական գաղափարի վերաբերմամբ:

Այժմ մեզ զբաղեցնում է միայն պրօգրէսի գաղափարի որոշման հարցը: Պրօգրէսի գաղափարի պարզ որոշումը մի յայտնի չափով կը դիւրացնի նաև մեր իտագայ աշխատանքը, պրօգրէսի բովանդակութեան վերլուծումը:

Այստեղ ամենահականը և գլխաւոր աշխատանքը կայանում է նրանում, որ պէտք է ինսամքով եւ՝

գիտական սահմաններում մնալով՝ զատել պրօգրէսի գաղափարը համանման հասկացողութիւններից, սահմանորոշել այնպէս և այն չափով, որ չշփոթւի այլ գաղափարների հետ: Դիւրին գործ չէ այդ, անտարակոյս, նամանաւանդ պրօգրէսի գաղափարի վերաբերմամբ

Մի գաղափար, որ ամենից շատ շփոթել են և շփոթում են պրօգրէսի գաղափարի հետ, դա էլօլիցիան է: Հասարակագէտներից և սօցիալ-վիլիսօֆաներից շատերն այս երկու հասկացողութիւնն առանց այլեալութեան նոյնացնում են: Դեռ աւելին: Էլօլիցիայի տեսաբանները, մի Օգուստ Կօնտ, մի Հերբերտ Սպինսէր, խուսափում են անգամ պրօգրէս բառի գործածութիւնից: Իսկ մինչև XVIII դարը չկար պրօգրէս տերմինը: Այդ գաղափարը շատ էլ երկար պատմութիւն, շատ էլ մեծ անցեալ չունի:

Որ այդ երկու հասկացողութիւնները, պրօգրէսը եւ էլօլիցիան, նման, շվման կէտեր ունին, այդ մեզ համար ևս անկասկած է: Բայց այդ դեռ չի նշանակում նոյնութիւն:

Թէ պրօգրէսի և թէ էլօլիցիայի գաղափարի հետ սերտօրէն կապւած է փոփոխան հասկացողութիւնը: Գիտենք, որ փոփոխութիւնը կազմում էլօլիցիայի ամենաէական յատկանշը: Ուսանց դրան ինքնին անիմաստ, սնամէջ կդառնայ այդ հասկացողութիւնը: Փոփոխութիւնը կազմում է նոյնպէս պրօգրէսի յատկանիշներից մէկը: Մի անշարժ և անփոփոխ դրութիւն չի համարւում պրօգրէսիւ:

Բայց պրօգրէսը աւելին է, քան սոսկական փոխութիւնը և շարժունութիւնը, ձևափոխութիւնը և

յաջորդական զարգացումը: Պրօգրէսի գաղափարը նախ և առաջ ներքնապէս և անքակտելիօրէն կապւած է հասարակական իդէալի ըմբռնման հետ: Այս դրութիւնը մեզ համար անտարակոյս է: Պրօգրէսը արժեիաւորման, գնահատութեան արգասիք է: Այս յատկանիշը արդէն էական տարբերութիւն է դրում այդ երկու հասկացողութիւնների մէջ: Ճիշտ է, որ ամեն մի պրօգրէս փոփոխութիւն է: Բայց ճիշտ չէ այդ մտքի շըրջումը, այսինքն, թէ ամեն մի փոփոխութիւն պրօգրէս է:

Գիտենք, որ էւօլիւցիան մի սոսկական պրօցէս է, մի յաջորդական և աստիճանական փոփոխութիւն: Այդ փոփոխութիւնը միշտ էլ չի կատարւում դէպի առաջ, այլ և դէպի յետ: Էականը այսաեղ ձեափոխումը, կերպարանափոխումն է:

Էւօլիւցիայի սկզբունքը հանճարեղ կերպով վազուց արդէն ձեակերպել է չերակլիտը: Անեն ինչ հոսում է: Ահա նրա հիմնական տեսակէտը: Բոլոր իրերը մշտական փոփոխման, դառնալու պրօցէսին են հնթակայ: Իրերի, աշխարհի այս յարաշարջ փոփոխութիւնից, այս ձեափոխութիւնից դուրս ոչինչ դոյութիւն չունի: Զկայ դադար, քարացած վիճակ: Զըերը ձեափոխելով կազմում են սառցային լեռներ, իսկ լեռները կերպարանափոխելով դառնում են հեղուկ, և այսպէս անվերջ:

Էապէս նոյնն է ասում նաև ԽլԽ դարի մեծ հասարակագէտը, էւօլիւցիայի սկզբունքի հանճարեղ տեսաբանը, չերբերտ Սպենսէր: Անտարակոյս, այդ երկու մտածողների էւօլիւցիայի ըմբռնման մէջ որոշ տարբերութիւն կայ: Բայց մեզ այժմ այդ տարբերութիւնը չէ, որ զբաղեցնում է: Մեզ հետաքրքրում

է էական նմանութիւնը, այն, որ թէ մէկի և թէ միւսի համար կորիզը միւսոյնն է: Սպենսէրի համար էւօլիւցիան և տրամաֆօրմիզմը նոյնանում են: Իսկ այս վերջին կենսաբանական ընդհանուր հասկացողութեան տակ դրւած է ձեւափոխութեան սկզբունքը: Դա մի անհսրական, աննպատակաւոր պրօցէս է, մի փոփոխութիւն՝ պարզից դէպի բարդը, միատարբից դէպի բազմատարը: Ուրեմն, էւօլիւցիայի պրօցէսը վերջին հաշւում ներկայանում է երեսյթների մի սոսկական բարդացում, ուրիշ ոչինչ: Իսկ թէ բարդացման այդ պրօցէսը նպատակաւոր կերպով տանում է դէպի աւելի բարձր, աւելի կատարեալ ձեեր և արժէքներ՝ անհատական և հասարակական կեանքում, դա արդէն չի բղխում այդ պրօցէսի էութիւնից: Բարդացման, կերպարանափոխման պրօցէսը զուտ մեժենայական է:

Պրօգրէսի գաղափարը այդպէս չէ: Պրօգրէսի գաղափարն ենթադրում է մի իդէալական դրութեան գոյութիւնը: Իսկ իդէալն իր հերթին կապւած է ոչ միայն աւելի բարձր և կատարեալ ձեերի, այլ և արդար հասարակարգերի ու արժէքների հասկացողութեան հետ: Այսպիսով իդէալը, հետեապէս նաև պրօցրէսը, ստանում է բարդական արժեք: Եւ իսկապէս, պրօցրէսը մի արժեք է, մի մօրմ, բայց երբէք մի սոսկական պրօցէս: Այստեղ դրւած է երեսյթների նշանակութեան սուբիեկտիւ գնահատութեան սկզբունքը: Այդ սուբիեկտիւ գնահատութեան արդիւնք է թէ մենք երեսյթների այս կամ այն պրօցէսը, ինչպէս պատմական եղելութիւնների ընթացքը, պրօցրէս ենք համարում թէ ոչ: Արդէն անցեալ անգամ ասացինք,

գնահատութեան է ենթարկում, ելակէտ ունենալով իդէալի տեսակէտը, այն դրութեան տեսակէտը, որ ցանկալի է, որ պէտք է լինի: Այս վերջին խօսքերով երեան է հանւում մի նոր մօմենտ, մի նոր զիծ ևս: ներգործութեան տարրն է այդ: Կրաւրական պրօբէսի հասկացողութիւնը նոյնքան անհնարին և անխմաստ է, որքան առանց սուբիեկտիւ գնահատութեան: Կան էւօլիւցիօնիստներ, որ հէնց այս ձեռվ էլ տարբերում են պրօգրէս և էւօլիւցիա գաղափարները: Պրօգրէսը նրանք ըմբռնում են որպէս ակտիւ էւօլիւցիօնիզմ, և այդ ըմբռնումը հակադրում են մեքենական, նատուրալիստական էւօլիւցիօնիզմին:

Պրօգրէսը, ուրեմն, մի փոփոխութիւն է, մի զարդացում, որ դիմում է միշտ դէպի աւելի բարձր և կատարեալ ձեռք, դէպի կատարեալ և արդար հասարակական կարգեր, կարճ, որ առաջադիմում է մի ուղիով, որ տանում է դէպի մեր իդէալը: Պրօգրէսը մի արժէք է, պատմական ընթացքի, բոլոր երեսների յաջորդական կատարիչներից մէկը, մի գիծ, որ նոյնպէս բաժանում է էւօլիւցիա գաղափարից: Էւօլիւցիա գաղափարին խորթ, օտար է այդ տարրը. Էւօլիւցիան մի աննպատակաւոր պլրօցէս է: Պրօգրէսը լինելով մի արժէք, նա միշտ էլ իր մէջ պարունակում է մի որոշակի տեսնդենց, մի նպատակաւոր ձգտում դէպի բարձր արժէքներ, դէպի նոր և աւելի կատարեալ գրութիւն, որ հակադրում է տիրող վիճակին, ներկայ հասարակական ձերին, կարծ՝ դէպի սօցիալական իդէալը:

Այս բոլորի հետ միանում է բնականորէն նաև ցանկալիութեան եւ հնարյառութեան հարցը: Մարդը՝ որպէս հասարակական և բարոյական արժէքների կը-ըսո՞՝ չի գոհանում միմիայն երեսների, պատմական փաստերի ընթացքով, նրանով, ինչ տւեալ է, այլ նա այդ ընթացքը անողոք գատաստանի, անվերապահ

Այս ինչպէս տեսնում էք, կայ նպատակարանական տարրը, նպատակի տեսակէտը: Պրօգրէսի գաղափարը միշտ էլ անբաժան է այս տարրից: Այդ էլ կադմում է պրօգրէսի գողափարի յատկանիշներից մէկը, մի գիծ, որ նոյնպէս բաժանում է էւօլիւցիա գաղափարից: Էւօլիւցիա գաղափարին խորթ, օտար է այդ տարրը. Էւօլիւցիան մի աննպատակաւոր պլրօցէս է: Պրօգրէսը լինելով մի արժէք, նա միշտ էլ իր մէջ պարունակում է մի որոշակի տեսնդենց, մի նպատակաւոր ձգտում դէպի բարձր արժէքներ, դէպի նոր և աւելի կատարեալ գրութիւն, որ հակադրում է տիրող վիճակին, ներկայ հասարակական ձերին, կարծ՝ դէպի սօցիալական իդէալը:

Այս բոլորի հետ միանում է բնականորէն նաև ցանկալիութեան եւ հնարյառութեան հարցը: Մարդը՝ որպէս հասարակական և բարոյական արժէքների կը-ըսո՞՝ չի գոհանում միմիայն երեսների, պատմական փաստերի ընթացքով, նրանով, ինչ տւեալ է, այլ նա այդ ընթացքը անողոք գատաստանի, անվերապահ

Անգամ Հանրի Բերգսոնի էւօլիւցիայի ըմբռնումը զուրկ է այդ տարրերից, որքան էլ նա էւօլիւցիայի սկզբունքը որպէս ստեղծագործական: Նա ներբողում է միայն այն, ինչ կենդան, շարժուն է, կեանքն առհասարակ: Բայց նա չի ներբողում կեանքի կատարեալ և բարձր ձեռք: Ձիշտ է, էւօլիւցիան ստեղծագործական է և ստեղծագործում է միշտ էլ կեանքի նոր և նոր ձեռք, բայց նա չի ստեղծում անպայման բարձր և կատարեալ ձեռք: Բերգսոնի

ստեղծագործական էւօլիւցիան ալդպիսի արժէք չի ներկայանում: Այդ ստեղծագործումը, այդ յաւիտենական ձևափոխումը չի շարժուում մի ծրագրւած իդէալի ուղղութեամբ: Մինչդեռ պրօգրէսի դադափարը, ինչպէս արդէն մի անդամ նկատել ենք, սերտուրէն կապւած է հասարակական իդէալի հետ:

Եթէ մեր սօցիալական իդէան է, օրինակ, մարդկային համերաշխ և ներդաշնակ համայնակեցութիւնը, այդ համայնակեցութեան բարոյական հիմքն ընդունելով մանդկութեան բոլոր անդամների հաւասար իրաւունքը բազմակողմանի և ներդաշնակ զարգացման վերաբերմամբ, այն ժամանակ հասարակական նոր ձևերի և կարգերի փոփոխութիւնը, ինչպէս և պատմական ընական ընթացքն այն չափով է որպէս պրօգրէս ներկայանում, ինչ չափով նա առաջազդիմում է մեր այդ սօցիալական իդէալի ուղղութեամբ: Իսկ ըեգրէս է, ընդհակառակը, ամեն մի ձե, որքան էլ այդ ձևը նոր լինի, եթէ նա մեր էդէալին չի համապատասխանում կամ ուղղակի հակասում է:

III

ՊՐՕԳՐԷՍԻ ՆՊԱՏԱԿԸ ԿԱՄ ՄԵՐ ԻԴԷԱԼԸ

Պրօգրէսի դադափարի որոշումից յետոյ, այժմ մեր առաջ բարձրանում է մի աւելի գեւարին ինդիր՝ պրօգրէսի նպատակի, նրա բովանդակութեան որոշման հարցը:

Այս ինդիրի վերլուծումն աւելի գեւար և բարդ է, որովհետեւ զբա հետ էապէս և անբաժան կերպով կապւած են մեր բոլոր տեսչերը և ցանկութիւնները,

մեր բոլոր բարոյական հասկացողութիւնները և նպատակները: Այս ինդիրի շուրջը, անկասկած, աւելի են բաժանւում կարծիքները և շատ աւելի մեծ է տարբերութիւնը, քան պրօգրէսի դադափարի վերաբերմամբ:

Յաճախ և ընդհանուր ձեռվ վերցրած որպէս պրօգրէսի նպատակ համարում են մարդու երշանկութիւնը: Բայց այս, երջանկութեան հասկացողութիւնը, շատ առածկական է: Իւրաքանչիւր մարդ, ամեն մի հասարակական խմբակցութիւն իր յատուկ ձեռվ է ըմբոնում և հասկանում երջանկութիւն ասւածը: Այդ դրութեան իլլւսարացիայի համար մենք կարող ենք առաջ բերել փիլիսոփայութեան, յատկապէս բարոյագիտութեան և կրօնների պատմութիւնից մի շարք տարբեր, իրար ժխտող ըմբոնումներ երջանկութեան մասին: Դրութիւնը էապէս շատ քիչ կը փոխւի, եթէ անդամ աւելացնենք, թէ երջանկութեան չափանիշը համարաւմ ենք հաճոյքի, ուրախութեան աւելացումը կամ բացասական ձեռվ արտայայտած՝ տանջանքի նւազումը: Որ երջանկութիւնը և պրօգրէսի ըմբոնումը սերտ կերպով կապւած են իրար հետ, ալդ մեզ համար ևս միանդամայն անտարակուտելի է: Բայց էական ինդիրը սա չէ, և սրանով կնծիոը չի լուծում:

Իսկապէս, ինչումն է կայանում մարդկութեան երջանկութիւնը, պրօգրէսի վախճանական նպատակը: Տեսեապէս, իրաւապէս եւ բարոյապէս ազատ ու ինենորէն մարդկութեան զադափարն է կազմում մեզ համար պրօգրէսի վախճանական նպատակը: Դրա մէջ ենք մենք տեսնում միաժամանակ մարդու երջան-

կութիւնը։ Մարդ-անհատը երջանիկ է, երբ նա աղնտեսապէս, իրաւապէս և բարոյապէս ազատ է և կատարելապէս ինքնօրէն։


Երջանկութեան մեր այս ըմբռնումը և պրօգրէսի վախճանական նպատակը կարող է մարմին ստանալ միմիայն այն հասարակարգի մէջ, որի հիմքում դըրւած է համերաշխուրեան սկզբունքը։

Որո՞նք են այդ հասարակարգի յատկանիշները։ Համերաշխ համայնակեցութեան մէջ նախ և առաջ չի թագաւորում սանձարձակ մրցումը, անագորոյն գոյամարտը։ Մարդիկ չեն բգկտում, ծւիկ-ծւիկ անում իրար։ Մարդը մարդու համար գայլ չէ։ Մարդկութեան մի մասը չի ապրում և զարգանում միւսի հաշւին, շահագործում նրա ոյժը և ամբողջ հոգին, յափշտակում նրա քրտինքի աշխատանքը։ Այդ հասարակարգի մէջ մարդիկ հեինե չեն վազում հարլատանլու ետնից։ Այդտեղ մարդը, այս Աստուծոյ պատկերը, սոսկական «ապրանքային արժէք» չէ, մի «եռուն գործիք» գործարանում։

Ներդաշնակ նամերաշխ համայնակեցութեան, սոցիալիստական հասարակարգի հիմքում դրւած է մէկը բոլորի եւ ամենինը մէկի համար մեծ և սրբազն սկզբունքը։ Ի՞նչ է թելադրում այս սկզբունքը։ — Տեղի է տալիս գոյութեան կոիւը փոխադարձ օգնութեան և հասարակական աշխատանքը կատարուում է լնդհանուր շահերի հողի վրայ։ Մարդկութեան բոլոր անդամները համարժէք են և դրւած հաւասար պայմանների մէջ։ Ազատ մարդու բազմակողմանի, ներդաշնակ զարգացումը միանդամայն ապահոված է։ Ամեն մէկը հնարաւորութիւն ունի ազատորէն զար-

գանալու՝ Փիզիֆապէս, մշառորապէս եւ բարոյապէս։ Այսպիսի պարմանների մէջ միայն մարդը դառնում է իսկապէս մարդ, այս բառի իսկական իմաստով վերցրած, որպէս բարոյական արժէք։ Մարդ-անհատը դադարում է այլես դիտել որպէս ռապրանքային արժէք։, մի աւտոմատ, յեղաթիւրւած մի էութիւն։ Նա գառնում է մի ամբողջացած եւ ներդաշնակած + անհատ։ Այսպէս են ըմբռնել և իրենց հեռաւոր իդէալը նկատել չ. Յ. Դաշնակցութեան հիմնադիրները և զեկավարները։ Այս կէտը մեծ փայլ ունի և բնորոշ է չ. Յ. Դաշնակցութեան հասարակագիտական աշխարհայեցողութեան տեսակէտից】

Մեզ համար մարդ-անհատը միայն միջոց չէ։ Ոչ մի հասարակագիտական վարդապետութիւն չի կարող մեր պրօգրէսի, մեր իդէալի պահանջներին բաւարարութիւն տալ, եթէ նա մարդը դիտում է որպէս րկ միջոց։ Մեր սոցիոլոգիական ըմբռնումով հասարակութիւնը մի օրգանիզմ չէ, ինչպէս ուսուցանում է օրգանական տեսութեան տաղանդաւոր ներկայացուցիչը, Սպինսէրը, ըստ որի անհատը հասարակութեան մէջ հաւասարում է մի բջիջի։ ✎ Հասարակութիւնը, ընդհակառակը, մի կազմակերպութիւն է համարժեց և համահաւասար անհատների, որոնք հաւասարապէս վայելում և տանջուում են, պայքարում և ապրում։ Մեր սոցիալ-փիլիսոփայութեան տեսակէտով անընդունելի է հասարակութեան առաջնութիւնը անհատի հանգէպ։ Հասարակութիւնը մի կողմից և անհատները միս կողմից՝ փոխադարձաբար պայմանաւորում են իրենց արժէքը, Բայց չծանրանանք այս կէտի վրայ։ Այս կարևոր հարցի վերաբերութիւններինը առան-



ձին գլուխ:

Անհատը հասարակութեան մէջ չպէտք է դիտոի միայն որպէս միջոց: Նա միաժամանակ նպատակ է: Մեր սօցիալական և բարոյական տեսակէտով, կատարեալ և ներդաշնակ է այն հասարակարգը միայն, ուր մարդանհատը այն չափով է միջոց, ինչ չափով նա միաժամանակ նպատակ է:

Ազատ և ինքնանպատակ մարդու սկզբունքը իր կասիկ բանաձևումներով տւել է արդէն թեօնիգորեցի մեծ մտածողը, Կանչը: Մարդը ինքնանպատակ է: Ոչ մի դէպում և ոչ ոքի համար մարդանհատը չպէտք է դիտոի որպէս միջոց, միմիայն որպէս միջոց: Նա ամեն դէպում և ամեն մէկի համար պէտք է լինի միաժամանակ որպէս նպատակ:

Մեր խօսքը, անշաւշտ, չէ վերաբերում վերացական մարդուն, այլ իրական անհատին: Մարդը հասարակական իր իդէալի չուկէտը և վերջակէտն է միաժամանակ: Այս տողերում շեշտումէ մեր հասարակագիտական աշխարհայեցողութեան ինդիւիդուալիստական կողմը: Բայց այստեղ լինդիւիդուալիզմը վերցւած է որպէս բարոյագիտական խնդիր: Այսպիսով, հարցն ստանում է բարոյագիտական բնաւորութիւն: Պրօդրէսի նպատակը, սօցիալական մեծ իդէալը գերազանցապէս բարոյական արժէքը է:

Այսպէս, մենք եկանք ճետևեալ եզրակացութեան, որ պրօդրէսի վախճանական նպատակն է Տևակապէս, իրաւապէս և բարոյապէս ազատ ու ինինօրէ մարդկութեամ իդէան: Խոկ այսպիսի ընկերային կարգերի մէջ միանգամայն ապահովւած է անհատի ինքնանպատակ արժէքը:

Մեր այս սօցիալական պրօդրէսի հետ կապւած է նաև մեր երջանկութեան գաղափարը: Այս երկու հասկացողութիւնները, ինչպէս էլի ասել ենք, անբաժան են իրարից:

Բայց ինչպէս կարելի է ստեղծել նման հասարակութիւն, ներդաշնակ և համերաշխ համայնակեցութիւն:

Միջոցների հարցի լաւագոյն պատասխանը տալիս է ինքը պատմութիւնը: Մի միջոցը—և ամենանշատու միջոցը—դասակարգային կոիւն է:

Այս է ուսուցանում մեզ պատմութիւնը: Կանգնած մինելով մարդկութեան աշխատաւոր մեծամասնութեան շահերի տեսակէտի վրայ, մենք պայքար ենք մղում դասակարգային սնհհաւասարութեան, մի դասակարգի իրաւական, քաղաքական և անտեսական գերիշխանութեան, հետեւապէս, շահագործման դէմ:

Ուրեմն, մեր կոիւը աւելին է, քան սոսկական դասակարգային պայքարը: Մեր պայքարը ուզուած է հենց դասակարգերի դէմ, աշխատելով վերացնել դասակարգային անհաւասարութիւնը և մարմնացնել իրականացնել ազատ և ինքնօրէն մարդկութեան գաղափարը ամենալայն մտքով:

ՊՐՈԳՐԵՍԻ ՊԱՅՄԱՆՆԵՐԸ

Պրօգրէսը մենք բնորոշեցինք որպէս մի զարգացում, որ առաջ է շարժւում մեր հասարակական իդէալի ուղղութեամբ:

Այժմ մեզ զբաղեցնում է պրօգրէսի անհրաժեշտ պայմանների հարցը, պայմանների, առանց որոնց առաջադիմական շարժումը միշտ էլ կարող է խանդարւել:

Որնք են այդ պայմանները: —

Արդէն զիտենք, որ պրօգրէսը կրաւորական չէ: Ֆատալիզմը տեղ չունի այստեղ և նա հիմնապէս սխալ ըմբռնում է: Չկայ օրիեկտիւ նպատակաբանութիւն, բնութիւնը չունի զիտակցական, նպատակաւոր իդէալներ: Մարդը բնութեան նպատակը չէ: Կայ միայն սուբիեկտիւ նպատակաբանութիւն: Դա պարզապէս մարդու, իրական մարդու տեսակէտն է: Պրօգրէսը գերազանցապէս ներգրծոն է: Առանց սրան անհասկանալի է հասարակական պրօգրէսի գաղափարը: Այստեղ զրւած է սուբիեկտիւ զնանատութեան սկզբունքը: Իսկ առ վերջին հասկացողութեան հետ էլ կապւած է ակտիւ միջամտութեան տեսակէտը:

Բայց ակտիւ միջամտութիւնը ինքնին գեռես պրօգրէսիւ չէ: Այդ միջամտութիւնը, ակտիւ գործունէութիւնը միմիայն պրօգրէսի մի պայմանն է: Դրանից ոչ աւելի: Ակտիւ գործունէութիւնը միայն այն գէպքում առաջադիմական կը համարի, եթք ուղղած կը լինի մեր իդէալին, հասարակական արդար և կատարեալ կարգերի ստեղծագործութեան:

Այստեղ, ինչպէս դժւար չէ նկատել աւելի կարեւորը և էականը ողուրիւն է, քան ինքն ակտիւ գործունէութիւնը: Մի ակտիւ միջամտութիւն հասարակական գործերի մէջ յաճախ լինում է ոչ թէ առաջադիմական, այլ յետադիմական:

Այս առումով կարելի է լիշտակել մի շարք ազգակներ, որոնք ինքնըստինքեան պրօգրէսիւ չեն, բայց կարող են պրօգրէսի պայմաններ նկատել:

Ահա մարդկային, անհատական մտքի զարգացումը, այդ զարգացման հետ կապւած մի շարք երկրթներ—գիտական նւաճումները, գեղագիտական ստեղծագործութիւնները, փիլիսոփայական յղացումները և այլն: Այս բոլորը կազմում են հասարակական պրօգրէսի անհրաժեշտ պայմանները: Բայց դրանք ինքնին, անպայման պրօգրէսիւ չեն: Մի փիլիսոփայական յղացում ինքնին, բացարձակապէս դեռևս պրօգրէս չէ: պրօգրէս լինելը կախւած է ստեղծագործութեան ողուրիւնից, եթք այդ ստեղծագործութիւնը, մտայղացումը կատարում և ազդում է մեր հասարակական իդէալի ուղղութեամբ:

Ո՞վ կարող է ժխտել, որ Տեխնիկայի զարգացումը առհասարակ պրօգրէսի պայման է, անգամ շատ կարեւոր պայմաններից: Ո՞վ կարող է կասկածի ենթարկել, թէ մարդու կողմից բնութեան, բնական ոյժերի վրայ իշխելը մի նոյնքան անհրաժեշտ պայման է պրօգրէսի համար: Տեխնիքական գիւտերի, բնութեան գաղանի ուժերի աստիճանական յայտնագործութիւնների շնորհիւ մարդը, սօցիալական այդ կենդանին աւելի ու աւելի ինքնօրէն է դպանում: Մենք չենք յամենայն գէպս, որ պէտք է տարակու-

սանքի ենթարկենք այս երեսյթը: Բայց, միւս կողմից, անգիտակցօրէն չպէտք է գերագնահատել այդ տեխնիքական զիւտերի հասարակական արժէքը: Կըրկնում ենք, դրանք միայն պրօգրէսի պայմաններ են, անհրաժեշտ և կարևոր պայմաններ անշուշտ: Բայց երբէք դրանից աւելին: Յայտարարել դրանց անվերապահ կերպով որպէս պրօգրէս, կը նշանակէ կատարել մեծ սխալ:

Ընդունենք մի բռպէ, որ մեր իդէալը մարդու երջանկութիւնն է: Եթէ սա է մեր խորհրդածութիւնների և գնահատութեան ելակէտը, ինչպէս կարող ենք մի տեխնիքական զիւտ, օրինակ, հենց օդաչունաւերը, համարել ինքնին պրօգրէս, երբ դա՝ մարդկութեան երջանկութեանը չնպաստելով հանդերձ՝ միշտ էլ կախւած է լինում նրա գլխին որպէս դամովեան սուր, երբ դա մարդկանց ծւատելու անխիղճ ու անյագ տենչի գործիք է միայն հանդիսանում:

Նա կը դառնայ կատարելապէս պրօգրէսիւ, երբ կը ծառայի միայն մարդկութեան երջանկութեան, բարօրութեան, վայելքի համար: Բայց այդ զիւտը, անկասկած, ինչպէս ամեն մի յալանագործում, ինքնստինքեան պրօգրէսի պայման է: Մեր աշխարհայեցողութեամբ, մի զարգացում, մաքինւաճում չի կարող երբէք բաւարարել մեր արդարութեան և բարոյական ըմբանումներին, մեր սոցիալական իդէալի պահանջներին, եթէ այդ զիւտը, տեխնիքական կամ մտային զարգացումը, պայմանաւորած է մարդկութեան մեծամասնութեան դժբախտութեամբ: Այդպիսի զարգացման հասարակական արժէքը մեր աչքում միանգամայն նսեմանում է: Եթէ մի պայման, մի

յայտնագործում դառնում է բոլորովին շահագործման միջոց, նա չի կարող առաջադիմական հոչակւել: Մեր պրօգրէսի պահանջներին չի բաւարարում նոյնպէս ամեն մի կատարելութիւնները նոյնանիշ չեն: Մեր վերեի խորհրդածութիւններն արդէն այդ էին ապացուցում: Այսօր բոլոր ժողովուրդներին շշմեցրել է համաշխարհային պատերազմը, որ ցուցահանեց ուղմական միջոցների և արւեստի ծայրայեղ կատարելագործութիւնը, հրագէնների հակայական կատարելութիւնը: Ահա կրուպպի գործարանի դժոխային գործիքը, 42 մատնաչափի ծանր թնդանօթները, ահա Անգլիայի հնարած շարժական ամրոցը՝ զրահապատաւտոմոբիլը, ահա ստորջրեայ նաւերը...

Այսպիսի կատարելութեան և հասարակական պրօգրէսի մէջ կայ ամբողջ վիճ: Այս և նման կատարելութիւնը չարիք է միայն, սօցիալական չարիք, որի դէմ պէտք է պայքարել, և պայքարել ամենայն ոյժով:

Այսօր մի քանի ժամանակ ընթացքում տասնեակ հազարաւոր երիտասարդ ոյժեր են կտոր-կտոր լինում այդ հրագէնների կատարելութեան պատճառով:

Ժողովուրդների անտեսական, արդիւնաբերական ոյժերի զարգացումն ևս կազմում է պրօգրէսի էական պայման և ազդակ: Բայց այսաեղ նոյնը պէտք է կրկնել, ինչ միւս պայմանների վերաբերմամբ ասացինք:

Այն ժողովուրդը, այն երկիրը կարող է անսայթաք առաջ զնալ պրօգրէսի ուղղութեամբ, որն իր մէջ պարփակում է պրօգրէսի բոլոր պայմանները և թոյլ է տալիս նրանց ազատորէն զարգանալու: Ժողո-

վըրդի մեծամասնութիւնը այնպիսի պայմանների մէջ պէտք է դրւի, որ կարողանայ անկաշկանդ, ազատ կերպով զարգանալ, և զարգանալ նիւթապէս, մտառապէս եւ բարոյապէս:

Ի՞նչումն է կայանում այս պայմանների հասարակական արժեքը:—Այստեղ ենթադրում են մարդու նիւթական զարգացման նւազագոյն պայմանները, առանց որոնց մարդկանց կեանքը մի տանջանք է միայն, և զարգացումը մի դատարկ հնչիւն: Մտարու և բարոյական զարգացման հետ կապւած են նոյնքան մեծ պահանջներ: Մարդը ազատ է իր ինքնուրոյն կարծիքը, իր բարոյական համոզումներն ունենալու: Դեռ աւելին: Մարդանհատը պէտք է հնարաւորութիւն ունենայ ազատօքն իր մէջ զարգացնելու յննադատելու ունակութիւնը, քննադատական վերաբերումը գէպի հասարակական արժեքները և աշխարհի իրերը: Նա պէտք է ազատ լինի ամեն ժամանակ և ամենուրեք ճշմարտութեան և արդարութեան խօսքը բարձրաձայն ասելու: Այդ նրա սրբազն, անբանաբարելի իրաւունքն է: Դրա մէջ է կայանում իսկապէս հոսարակական էակի մարդկային բարձր արժեքը: Քննադատութիւնը, բարոյական համոզումների ազատ դաւանումը կազմում են պրօքրէսի կարեւը ազդակներից: Ուր բացակարում են այս տարբերը, ուր չկայ քննադատութիւն, միշտ էլ կեանքը ենթակայ է քարացման վտանգին: Նա տաղտուկ է և միօրինակ: Ժողովուրդների պատմութիւնը տւել է—և տալիս է—այդ գրութեան ցայտուն օրինակներ, պերճախօս փաստեր: Ահա ձեզ ամբողջ միջին դարերը, բովանդակ մարդկութեան կրծքի և հոգու վրայ ծան-

րացած էր եկեղեցու դոգման: Ոչ ոք ազատ չէր այդ ճնշումից: Ազատ համոզումների ու քննադատութեան մասին և ոչ մի խօսք:

Մի ժողովրդի մէջ, ընդհակառակը, որքան աւելի են զարգացած մտքի քննադատական տարրը և ազատ համոզումները, այնքան աւելի ապահովւած է նրա առաջադիմութեան գործը: Մի խիստ նկատւած հոգեբանական երեյթ է, որ մարդիկ միշտ էլ մի առանձին հակում են ցոյց տալիս գէպի հին սովորութիւնները, տրադիցիաները, որ վերին աստիճանի վտանգաւոր է մի ժողովրդի համար: Շատ անգամ այդ տրադիցիաներն ստանում են հասարակական չարիքի կերպարանք: Յաճախ մտքի անօրինակ թափ և երկար ժամանակ է անհրաժեշտ լինում այդ հասարակական չարիքի դէմ պայքարելու և նրան յաղթահարելու համար:

Այդպիսի քարացումը կանխելու համար, միշտ էլ պէտք է վերագնահատութեան և անինայ քննադատութեան երթարկել հին սովորութիւնները: Ինչ խօսք, որ այդ քննադատութիւնը և վերագնահատութիւնը պէտք է կատարւի միշտ էլ աւելի կատարեալ և արդար հասարակական կարգերի, կարճ, մեր՝ մշտապէս զարգացող՝ սօցիալական իդէալի տեսակէտից: Այդ շարունակական քննադատութիւնից և վերարժեքաւորումից ոչինչ ազատ չպէտք է լինի:

Այստեղ, անտարակոյս, արտօնեալ անհատների հարց չէ դրւած: Այդ պայմանները պէտք է տարածւեն մարդկութեան բոլոր անդամների վրայ: Նրանք հաւասարապէս պէտք է աշխատեն և հաւասարապէս վայելեն: Նրանցից ոչ մէկը չպիտի ապրի և զարգա-

նալ միւսի հաշւին: Նրանց ամբողջ գործունէութիւնը ուղղած է լինելու մի կէտի—ստեղծել և ուժեղացնել հասարական համերաշխուրինը: Պրօդրէսի բոլոր պայմանները պէտք է ստանան այս ուղղութիւնը և ծառալին հասարական համերաշխութեան ուժեղացման:

Ուր այս ուղղութեամբ է գործ կատարւում և ուր կան պրօդրէսի վերև յիշած պայմանները, այստեղ միանգամայն ապահովւած է պրօդրէսը:

V

ՊԱՏՄԱԿԱՆ ՊՐՕԴՐԷՍ

Կայ պատմութեան մէջ պրօդրէս:

Ահա մի կարևոր և հետաքրքրական պատմափիլսովայական հարց: Շատ սօցիօլոգների, պատմաքանների է զբաղեցրել այս հարցը:

Ի՞նչ են ասում նրանք:

Նրանց պատասխանները, անկասկած, միքնամայն տարբեր են, իրար ժիառող:

Նախ, այս հարցը ինքնին անարժէք, անիմաստ է բոլոր նրանց համար, որոնք կանգնած են ֆատալիզմի տեսակէտի վրայ: Այն հայեցակէտը, թէ ամեն ինչ կատարւում է ձակաւագրօրէն, մի կոյր ոյժի ղեկավարութեամբ, ոչ մի առնչութիւն չունի պրօդրէսի գաղափարի հետ:

Վերև դրւած հարցը գոյութիւն չունի նոյնպէս այն պատմափիլսովանների և հասարակադէսների համար, որոնք՝ կանգնելով էւոլիւցիոնիզմի տեսակէտի վրա՝ ընդունում են, թէ պատմութիւնը կատար-

ւում է ինին իրեն և մարդն անկարող է իրան որևէ նպատակ դնել և իրագործել հասարակական կեանքում: Այսպիսի մտածողների համար պատմական պրոցէսը, պատմական սոսկական ընթացքը հոմանիշ է պատմական պրօդրէսին: Հետեւապէս, միանգամայն անիմաստ է գաւնում այն հարցը՝ կայ արդեօք պատմութեան մէջ պրօդրէս: Նրանց համար կարևորը պատմական պրոցէսն է, իսկ թէ այդ պրոցէսը գնում է որոշ նպատակի ուղղութեամբ, գա բոլորովին անկարեսը և երկրորդական հարց է:

Ինչպէս տեսնում էք, տւած հարցման դրական կամ բացասական պատասխանը կախւած է այն հանգամանքից, թէ մենք ընդունում ենք հասարակական իդէալի գոյութիւնը: Եթէ մեզ համար գոյութիւն ունի այդպիսի իդէալ, ընականապէս, մենք պէտք է տեսնենք պատմութեան մէջ նոյնպէս պրօդրէս, մի շարժում դէպի մեր իդէալը: Այս իդէալը դառնում է մեզ համար պատմական պրոցէսի գնահատութեան չափանիշը: Իսկ թէ ի՞նչ է այդ իդէալը, մենք այդ արդէն գիտենք: Իդէալը մի արժէք է: Նա մեքենայական շարժման, բնական պրոցէսի ծնունդ չէ, այլ բացառապէս մարդկային գործօն, գիտակցական և նպատակաւոր գործունէութեան արդասիք: Մենք գիտակցաբար գնում ենք նոր և բարձր նպատակներ, ձգտելով միաժամանակ իրականացնել կեանքի մէջ: Իսկ այս բոլորի բնական արդիւնքը վիճում է այն, ինչ մենք անւանում ենք պատմական պրօդրէս: Այսպիսի ըմբռնումով և նման գործունէութեան շնորհիւ պատմական պրոցէսը ստանում է իր իմաստը: Այդ իմաստը պրօդրէսն է: Պարզ է, որ մեզ համար պատ-

մական պրոցէս և պատմական պրօգրէս հանկացողութիւնները նոյնանիշ չեն:

Այսպէս մօտենալով հարցին, մեզ համար բոլորովին անկասկած է պրօգրէսի գոյութիւնը պատմութեան մէջ: Պատմութեան մէջ պրօգրէս ընդունում և ճանաչում է սօցիօլոգների և մտածողների ճնշող մեծամասնութիւնը, ինչպէս Կանտ, Հերդեր, Գէօթէ, Հերգել, Կոնտ, Սէն-Սիմոն, Ֆուրիէ, Օվէն, Պրուդոն, Մարքս, Զիմել, Լաւրով, Միխալովսկի և այլն:

Ոչ ոք, թէ հնումն և թէ այժմ, բացարձակապէս չի ժխտում պրօգրէսը: Հնումն յատակ գաղափար չունէին պատմական պրօգրէսի, առհասարակ պրօգրէսի մասին: Պատմութիւնը դեռ ևս շատ և շատ հեռու էր գիտական կոչւելուց: Մի Հերոդոտ, մի Քսենոֆոնտ դեռ ևս չունէին ընդզրկող, ամբողջական տեսակէտ պատմական երկոյթների մասին: Դեռ ևս գոյութիւն չունէին պատմահայեցողութիւններ, դրա համար էլ մենք ունէինք պատմական մասնակի դէպքերի, եղելութիւնների պարզ նկարագրութիւն, բայց երբէք նրանց ընդհանրացումը, կապակցւած ամբողջութիւնը: Այսաեղ իդէալը դեր չի խաղում:

Մինչդեռ միջին գարում մենք տեսնում ենք մասնակի դէպքերի և երկոյթների ընդհանրացում, հետեւապէս, որոշ պատմահայեցողութիւն, եկեղեցու հայրերի պատմահայեցողութիւնը, որի հետ շաղկապւած է միաժամանակ որոշ իդէալ՝ եկեղեցական-կրօնական իդէալ:

Յետապայ ժամանակներում, յատկապէս ժանաժակ Ռուսան է հակառակ արտայայտւել: Բայց նա չի ժխտում պրօգրէսը պատմութեան մէջ ամբողջա-

պէս: Նրա «Յետ դէպի թևութիւնը» կոչը վերաբերում է միմիայն բարոյական քաղաքակրթութեան: Նա չի տեսնում պատմութեան մէջ միայն մարդկային բարքերի կատարելութիւն: Նոյնպիսի բնոյթ ունի նաև ուս մորալիստ Տոլստոյի յառետեսութիւնը:

Ներկայ ժամանակում ոչ մէկի գիրքը այնպէս ժխտողական չէ դէպի պատմական պրօգրէսի գաղափարը, ինչպէս Վիէննայի յայտնի քաղաքատնտես-հասարակագէտ Կումպլովիչի: Նա չի տեսնում պրօգրէս ոչ իմացականութեան և ոչ էլ մորալի ու սօցիալ-փիլիսոփայութեան սահմանում: Ազգերի, համաշխարհային ամբողջական պատմութեան մէջ ոչ առաջադիմութիւն կայ և ոչ էլ յետադիմութիւն: Մարդկային ինտելեկտուլ 4000 տարի առաջ և այսօր՝ միենոյնն է. չկայ էական տարբերութիւն: Իսկ սօցիալ-փիլիսոփայութեան ընագաւառում ոչ միայն չի նկատւում պրօգրէսի հետք, այլ առհասարակ չի ասւել որևէ նոր բան:

Ահա Կումպլովիչի պնդումները և գլխաւոր մըտքերը:

Բայց նա ևս չի կամենում կատարելապէս և բացարձակապէս ժխտել պրօգրէսը: Նա չի ուզում «այդքան հեռու գնալ»: Ինչպէս: Արովինեան նրա համար ակների և անտարակուսելի է պրօգրէս զիւտերի, յայտնագործումների սահմանում: Դեռ աւելին: Նա ճանածում է պրօգրէս պատմական առանձին դարաշրջաններում: Մրանք արդէն շատ կարևոր և էական զիջումներ են: Ճիշտ է, այն, որ նա ճանաչում է պրօգրէս առանձին շրջաններում, չի տալիս պատմական պրօգրէսի գաղափարը, բայց յամենայն դէպս

ալդ գիշումները էապէս խախտում են նրա դիրքը։
Պատմական պրօգրէսի գաղափարի մասին այն ժամա-
նակ միայն իսկապէս կարող է խօսք լինել, երբ միեւ-
նոյն իդէան պատմութեան ընթացքում, պատմական
գարաշը ջանների միջով անցնում է կարմիր թելի
նման։

Կայ և կարելի՞ է մատնանշել պատմութեան մէջ
այդպիսի գաղափարի գոլութիւնը։ Այս հարցը էապէս
նոյնն է, ինչ դրել էինք վերեք՝ կայ պատմութեան
մէջ պրօգրէս, որովհետեւ մենք այլ կերպ չենք ընդու-
նում պատմական պրօգրէս հասկացողութիւնը, քան
այդպէս։ Իսկ մեր վերաբերումը դէպի այդ հարցը
եղել է դրական։

Լոտցէ, Հերդեր և ուրիշները, ճանաչում են
պատմութեան բոլոր գարաշը ջաններում մարդկայ-
նութեան, հումանիզմի իդէալի գարգացումը։ Նրանց
կարծիքով մարդկութեան առաջադիմութիւնը գնում
է այդ իդէալի ուղղութեամբ։ Նրանց համոզմունքով
համաշխարհային պատմութիւնը այլ բան չէ, եթէ
այդ իդէալի շարունակական, անընդհատ իրականա-
ցումը։

Լայբնիցն ընդունում է, որ աշխարհը գնում է
դէպի լաւը, և բարին է վերջնականապէս յաղթանա-
կելու։ Կանոք շեշտում է իմացականութեան վրայ և
դրա յարածուն յաղթանակը տեսնում։

Մեզ համար հասարակական համերաշխութեան
գաղափարն է այդպիսին։ Նա անցնում է պատմական
բոլոր էպոխաների միջով։ Եւ հէնց այդ համերաշ-
խութեան գարգացումը մեզ համար պրօգրէսի իսկա-
կան չափանիշն է։—

Արդէն առել ենք, որ համերաշխ և ներդաշնակ
համայնակեցութեան հետ կապւած է մարդու ֆիզի-
քական, բարոյական և մտաւոր ազատ զարգացումը։
Իսկ մեր իդէալը, պրօգրէսի վախճանական նպատակն
է կազմում մնանակապէս, իրաւապէս և բարոյապէս
ազատ և ինքնօրէն մարդկութեան իդէան։ Այս իդէան
մենք տեսնում ենք ազգերի ընդհանուր պատմութեան
բոլոր գարաշը ջաններում, մի տեղ պակաս և մի ալլ
տեղ աւելի գիտակցական։ Մարդկութեան մի խոշոր
մասը դնելով իրեն այդ նպատակը, ձգտում է այն
իրականութիւն գարձնել և ժողովուրդներն ու ազգերը
մղել դէպի այդ իդէան։

Մմբողջ սերունդներ են պայքարել, դժւարին և
մշտական կոիւ մղել այդ իդէայի յաղթանակի համար։
Այսօր էլ սերունդները աւելի ուժեղ թափով և կազ-
մակերպւած, հաւատով և յաղթական, կոիւ են մղում
արդ մեծ իդէայի, պրօգրէսի մեծ ճանապարհի վրայ։

Ֆրանսիական Մեծ Յեղափոխութիւնը հսկայա-
կան զարկ տւեց այդ իդէայի գարգացման, ստեղծեց
կարիոր պայմաններ մեր հասարակական պրօգրէսի
համար։

Իսկ այսօր, այս համամարդկային գոյամարտի
միջոցին մի բոլոր թւաց, թէ պատմութիւնը յետ-յետ
է գնում դարերով. պրօգրէսը մի պատրանք է միայն,
ինչպէս և պատրանք է մարդկութեան, աշխատաւո-
րութեան համերաշխութեան իդէան։

Բանկեց Ռուսական Մեծ Յեղափոխութիւնը այն-
քան անսպասելի և այնքան արագ։ Նա ցնցեց ամբողջ
մարդկութիւնը և գալիս է հարթելու այն արիւնոտ
ուղին, որ տանում է դէպի տնտեսապէս, իրաւապէս

և բարողապէս ազատ ու ինքնօրէն մարդկութիւնը:

Այս, եղել են պատմութեան մէջ, ազգերի կեանքում անկժման և մոայլ շրջաններ, այս և այն ժամանակ արգելք է յարուցւել այդ իդէայի առաջ, բայց դա եղել է միայն ժամանակաւոր: Վերջնական յաղթանակը մնացել է նրա կողմը: Իսկ այս է մեզ համար ամենակարենը:

Շատ հասարակագէտների և պատմաբանների զբաղեցրել է, և զբաղեցնում է, նաև պատմական պրօգրէսի շարժման ժեսակի և ձերի հարցը: Արդեօք պրօգրէսը ուղիղ գծով է առաջ շարջւում, թէ այլ տեսակի է այդ շարժումը: Առհասարակ դժւարանում են այս հարցին որոշ և վերջնական պատասխան տալ: Պրօգրէսը, որպէս շարժում և զարգացում, պարզ բնոյթ չունի: Յամենայն գէպս անկասկած և զիտական է այն, որ պրօգրէսը պատմութեան մէջ չի ընթանում ուղիղ գծով: Աւելի շուտ պրօգրէսը պատմական դարաշրջանների միջով շարջւում է զիգ-զագներով, ոլորապտոյտ ձևով:

Իսկ այս բոլորի հանդէպ աւելի ճշմարտապատում և զիտական պէտք է համարել այն դրութիւնը, որ պատմական պրօգրէսի բնոյրը շատ ու շատ բարդ է, հետևապէս, վերին աստիճանի դժւար է այս կամ այն գծով բնորոշել պրօգրէսի շարժման ձեր և տեսակը: Դժւար է մանաւանդ այդ ձեն ընդհանուր համարել պատմութեան բոլոր դարաշրջանների համար:

Մեզ համար աւելի կարենը այն հանգամանքն է, որ պատմութեան մէջ կայ և տեսնում են պրօգրէս:

VI

ՍՕՑԻԱԼԻԶՄ ԵՒ ԻՆԴԻԻԴՈՒԱԼԻԶՄ

Վերադառնում ենք մի հարցի վերլուծման, որ անցողակի շօշափել ենք արգէն:

Սօցիալիզմի և ինդիւիդուալիզմի փոխարարերութեան խնդիրն է այս: Մենք ասել ենք, որ սօցիալիստական հասարակաբն է մեր վախճանական իդէալը: Եւ, միւս կողմից, կցել զրան, թէ մարդ-անհամն է կազմում մեր հասարակական իդէալի չուկէտն ու վերջակէտը միաժամանակ, ուր, հետևապէս, ընդգծում է մեր հասարակագիտական աշխարհայեցողութեան ինդիւիդուալիստական գիծը:

Այստեղ գոյութիւն չունի արդեօք որևէ հակառութիւն:

Սովորաբար ինդիւիդուալիզմը հակագրւում է սօցիալիզմին, նկատելով, որ զրանք հակամարտ, իրար ջնջող հասկացողութիւններ են:

Բայց այդ միմիայն թիւրիմացութեան, սխալ ըմբռնողութեան արդիւնք պէտք է համարել:

Իսկապէս, ինչպէս պէտք է հասկանալ սօցիալիզմը և ինչպէս՝ ինդիւիդուալիզմը: Այստեղ, ի հարկէ, սօցիալիզմը վերցնում ենք այն չափով, ինչ չա-

փով վերաբերում է մեզ զբաղեցնող հարցին:

Ամենից առաջ, սօցիալիզմը, սօցիալիստական հասարակակարգն իր հետ չի բերում մարդու ՏՆՏԵ-ԱԿԱԲՆ ազատագրումը միայն: Եթէ սօցիալիստական կուսակցութիւնները, սօցիալիստ մտածողներն առանձնապէս շեշտել են և այժմ էլ շեշտում են անտեսական կողմի վրայ, որովհետև առաջին հերթին անհրաժեշտ է ապահովել մարդու ֆիզիքական գոյութիւնը: Սօցիալիզմը գալիս է մարդուն աղատագրելու նաև իրաւապէս և բարոյապէս: Սօցիալիզմը մի գերազանցապէս կույտարական արժեք է: Սօցիալիզմն է վերջնականապէս և լաւագոյն ձևով ապահովելու մարդ-անհատի ազատութիւնը, նրա մարդկային բարձր արժանիքը, կարծել՝ թէ սօցիալիզմը ուզում է կամ կոչւած է ճնշելու, ոչնչացնելու մարդու անհատականութիւնը և կամ մտածել թէ՝ ազատագրելով մարդանհատը դասակարգային ճնշումից, սօցիալիզմը նպատակ ունի հնթարկել նրան մի այլ ոյժի գերիշխանութեան, օրինակ, կոլլեկտիւին—այդ նշանակում է խորապէս սխալւել և միանգամայն թիւր ըմբռնում ունենալ սօցիալիզմի մասին:

Մենք այդպէս չենք հասկանում, և չպէտք է այդպէս հասկանալ: Սօցիալիստական կարգերի մէջ մարդ-անհատը չի կորցնելու իր ուրոյն կեանքը, իր անհատականութիւնը: Ինքը կոլլեկտիւը աղահովելու է անհատի, իր անդամի ազատութիւնը, նրա ազատ և անկաշկանդ, բազմակողմանի և ներդաշնակ զարդացումը: Անհատն ունի իր յատուկ աշխարհը, մի աշխարհ իր համար, և ոչ թէ նա ներկայանում է հասարակութեան մի անկամ և աննպատակ անդամը:

Ոչ հասարակութիւնը մի օրգան է, նման կենդանական մի օրգանի, և ոչ էլ անհատը մի բջիջ: Ինքը անհատը մի նպատակ է իր համար—մի ինքնանպատակ է ուրիշն: Նա լոկ մի միջոց չէ երբէք իրենից դուրս եղած նպատակի՝ հասարակութեան համար:

Հենց այսօր մենք ամեն կերպ ձգտում ենք թեթիացնել մարդու աշխատանքը և տարածել հաւասարապէս բոլորի վրայ, աշխատանքը դարձնել կոլլեկտիւ: Այդ ցոյց է տալիս, որ մենք աշխատում ենք անհատի աղատագրման ճանապարհի վրայ: Դրանով մենք աւելի մեծ չափի հնարաւորութիւն և ցանկալի պայմաններ ենք ստեղծում, որոնց շրջանում անհատը կարող է ազատ և բազմակողմանի զարգանալ:

Այսօր ամեն տեղ բարձրաձայն հնչեցնում և պաշտպանում են ազգերի աւտոնոմիայի պահանջը: Այս լոգունգը որքան արդար է, նոյնքան և դեմոկրատական: Սա միաժամանակ սօցիալիզմի պահանջն է: Այսպէս ենք մենք խորապէս համոզւած, և այլ կերպ չենք կարող երևակայել սօցիալիզմը: Ամեն մի ազգ, որպէս մի ուրոյն միաւոր, պէտք է լինի կատարելապէս ինքօրէն և ինքնավար. նա պէտք է, և իրաւունք ունի, ազատ զարգանալ, ազատ ապրել և ազատ խորհել: Այդպէս լինելով հանդերձ, նա չի դադարում ամենասերտ, ներքին յարաբերութեան մէջ մեալ համայն մարդկութեան հետ: Ազգութիւնը ունի և վարում է անհատական-ազգային և միաժամանակ համամարդկային-միջազգային կեանք: Դրանք չեն հակասում իրար, այլ լրանում են մի ներդաշնակ ամբողջութեան մէջ:

**

Ճիշտ այդպէս էլ պէտք է նայել անհատի և հասարակութեան կամ կոլլեկտիւի յարաբերութեան վրայ: Այլ տեսակի ըմբռնում սխալ է միանգամայն: Անհատները և հասարակութիւնը գտնուում են մշտական փոխազդեցութեան մէջ: Եւ այդ փոխազդեցութիւնը բազմաեսակ է—հոգեբանական, հասարակական և բարոյական:

Յետոյ, անհատի և հասարակութեան փոխազդեցութիւնը նոյնքան հին է, որքան ինքը մարդկութիւնը: Այդ փոխազդեցութիւնը գոյութիւն է ունեցել թէ նախնական պարզ հասարակութեան մէջ՝ ընտանիքում, համայնքում և ցեղի մէջ, ինչպէս և ներկայ բարդ կապիտալիստական հասարակութեան մէջ: Միալ է միանգամայն և անհնարին բաժանել այդ երկուոր իրարից—անհատները և հասարակութիւնը: Դրանք փոխարձաբար միմիանց գոյութիւնը պայմանաւորում են: Մէկը առանց միւսի անիմաստ, սնամէջ է, և անհնարին բան:

Օրգանական թէօրիայի հիմնագիրների և ներկայացուցիչների մեծ սխալանքը կայանում էր հէնց նրանում, որ հասարակական օրգանիզմը համեմատում էին կենդանական օրգանիզմի հետ և հետեւպէս մարդկային անհատները դիտում էին որպէս սոսկական բջիջներ: Ալստեղ մոռացւում էր այն կարեւոր հանգամանքը, որ մարդկային անհատների ու սօցիալական օրգանիզմի յարաբերութիւնը՝ մի կողմից և բջիջների ու կենդանական օրգանիզմի յարաբերութիւնը՝ միւս կողմից, բոլորովին տարբեր բնութ ունեն:

Կենդանական բջիջները չունեն գիտակցութիւն, նրանք առանձին նպատակ չունեն օրգանիզմից գուրս: Մինչ դեռ սօցիալական օրգանիզմի, այսինքն հասարակութեան անդամները, մարդկային անհատները գիտակցութիւն ունեն, մի մի գիտակցական կենտրոն են և, հետևակէս, կազմում են, առանձին օրգանական միաւորներ, ամբողջութիւններ: Աւելին կարելի է ասել այն, որ հասարակութիւնը կեանք է ստանում միայն անհատների գիտակցութեան մէջ: Հասարակութիւնը առանց անհատների անհասկանալի է, քանի որ նա կազմւած է անհատներից, իսկ, միւս կողմից, անհատն էլ իր հասարակական բարձր արժէքը ստանում է միմիանց սօցիալական կեանքում, հասարակութեան մէջ: Եւ փաստապէս մարդկային բովանդակ առաջադիմութիւնը պայմանաւորում է այդ ձեւով, անհատների և հասարակութեան փոխազդեցութեամբ:

**

Եւ հետեւղականօրէն մենք դնում ենք որպէս գերազոյն իդէալ ինքնօրէն, բազմակողմանի և ներդաշնակ անհատը հասարակութեան մէջ: Անհատի ինինորոշումն է այս: Անհատն աւտոնոմ է, ազատ իր խղճի առաջ, ազատ ընտրելու, աւտոնոմ իր տաղանդի և համոզումների համաձայն: Ամբողջ մարդկութիւնը թերևս կարելի է պատկերացնել որպէս մի հսկայական գաղնակցութիւն ոչ միայն ինքնավար ազգութիւնների, այլ և ինքնավար համայնքների և, վերջին հաշւով, ինինավար անհատների: Հէնց աւտեղ է մեզ առաջնորդում է սօցիալիզմը: Եւ այսպիսի պայմանների

մէջ միայն անհատի կեանքը դառնում է իսկապէս ազատ և ստեղծագործական ըստ ամենայնին: Իսկ նման պայմաններ կարող ենք սալասել միմիայն սօցիալիստական հասարակարգի մէջ:

Եւ ինչ. մեր վերլուծումը և խորհրդածութիւնը մեզ բերեց ուղիղինդիւդուալիզմի աշխարհը: Ինդիւդուալիզմը այլ բան չի ասում, քան այս:

Անշուշտ, կան ինդիւդուալիզմի տարրեր ըմբոնումներ: —

Մեր հայեցողութեամբ ինդիւդուալիզմը գերազանցապէս մի բարոյական արժէք է: Նա էգօիզմ չէ: Նա չի պաշտպանում անհատի եսական շահերը և անհատին հակադրում հասարակութեան: Ինդիւդուալիզմը մի ձգտում է, որ նպատակ ունի լաւագոյն ձևով պահպանել մարդու անհատականութիւնը, նրա իւրայատուկ ձեզ: Հասարակական տարրի նշանակութիւնը չի կարելի ժխտել մարդու անձնաւորութեան գարգացման մէջ: Այս ամենը կասկածից դուրս է: Բայց, միւս կողմից, մարդու անհատականութեան ազատութիւնը, նրա բազմակողմանի և ներդաշնակ գարգացումը կազմում է, և պէ՛տք է կազմէ, հասարակութեան վախճանական նպատակը:

Այսպէս, վերջին հաշւով, ինդիւդուալիզմը նոյն բովանդակութիւնը, նոյն ձգտումն ունի ինչ սօցիալիզմը: Եւ յիրաւի, սօցիալիզմը ինդիւդուալիստական է: Թող այս միտքը առաջին հայեցքից արտառոց չթւայ: Շէֆլէն նկատում է, որ սօցիալիզմը այլ բան չէ, եթէ «մինչև ծայր աստիճանի հասցրած ինդիւդուալիզմ»: Եւ նա մենակ չէ: Որքան էլ Շէֆլէի յայտարարութիւնը համարւի չափազանցութիւն, յամենայն դէպս

մեզ համար անկասկած է սօցիալիզմի ինդիւդուալիստական գիծը, սօցիալիզմի և ինդիւդուալիզմի ներքին կապը: Այս երկուսը իրար չեն ժխտում, այլ լրացնում են: Սրանք հակադիր հասկացողութիւններ չեն, և երբէք այդպէս չպէտք է նայել նրանց վրայ:

Նրանք ամբողջանում են մի սինթէզի մէջ: Այստեղ ևս երկան է զալիս մեր աշխարհայեցողութեան սինթէտիկ կողմը:

ԱԶԳԱՅԻՆ ՀԱՐՑԸ ԵՒ ՍՕՑԻԱԼԻԶՄԸ

Շատ գաղափարներ, նամանաւանդ մեր մէջ, յաճախ ենթարկվել են և ենթարկվում են ամենաբիրտ խեղաթիւրման։ Եւ նրանք, թէս ներդաշնակ են իրենց անաղարտ կերպարանքով, բայց դառնում են հակադիր և հակասական իրենց խեղաթիւրման մէջ։ Երկար ժամանակ և լուրջ աշխատանք է պահանջւում, որպէսզի այդ գաղափարները երեան գան իրենց իսկական պատկերով և բովանդակութեամբ։

Այդպիսի ճակատագրի են ենթարկվել նոյնազս ազգային հարցը և սօցիալիզմը։ Թէս ներդաշնակ, բայց շատերը այդ երկու գաղափարները համարել են և այժմ էլ համարում են անհաջտելի, հակասական։ Եւ, դժբախտաբար, այդ ոգով դաստիարակւել են ամբողջ սերունդներ, Այդպիսի թիւր տեսակէտների տարածման գործում մեծ զեր է կատարել յատկապէս սօցիալ-դեմօկրատիան, նամանաւանդ ոռւսական սօց-դեմօկրատիան։

Բայց ճիշտ են արդեօք նրանց պնդումները, ճիշտ է արդեօք, թէ այդ երկու գաղափարները հակասական են և, նետեսազս, սօցիալիստները ու սօց-

ցիալիստական կուսակցութիւնները որևէ գործ չունին ազգային հարցի հետ։

Տեսնենք ինչ են ասում իրականութիւնը և առողջ դատողութիւնը, տեսնենք ինչ է ուսուցանում պատմութիւնը, պատմական զարգացումը։ Մօտենանք հարցին բաց, րէալիստի աչքով, առանց յինւելու զանազան հեղինակութիւնների վրայ, առանց բազմաթիւ մէջբերումների։

Ի՞նչ է ազգութիւնը։

Այս հարցը դնելով, մեր նպատակը չէ բնաւ զանազան տեսութիւններ զարգացնել ազգութեան մասին։ Մենք կամենում ենք միայն ընդգծել այն, ինչ անտարակուսելի է և մեզ հետաքրքրող հարցի տեսակէտից կարևոր։

Նախ և առաջ ամեն կասկածից դուրս է ազգերի գոյութեան փաստը։

Ազգութիւնը ներկայացնում է ցեղերի և ժողովուրդների յարածուն զարգացման պատմութեան՝ մէջ և ընթացքում մարդկային հասարակութեան՝ այն ձեր, որ մշտական է, որ յարատել է մինչեւ այսօր և յարատեւելու է ընդմիշտ։

Ճիշտ է, գարերի, հարիւրաւոր գարերի ընթացքում ազգերը փոխւել են անընդհատ։ շատերը հեռացել, անհետացել են պատմութեան բեմից՝ իրենց դերը կատարելով և որոշ հետք թողնելով պատմութեան մէջ, բայց նրանց տեղը բռնել են նորերը՝ նոր, կենսունակ և ուժեղ ազգեր։

Այս յարածուն զարգացման և շարունակական փոփոխման պրօցեսի մէջ, այս մշտական կելեկջի ոլորտում ազգութիւնը, որպէս մարդկային հասարակութեան մի ձեւ, մասցել է անփոփոխ, յարատել եւ

սա պատմական իրողութիւն է, մեզ համար ամենաշաբառը:

Եւ, յիրաւի, ամբողջ մարդկութիւնը զարգանում է այդ ձևի, ազգային ձեւի մէջ:—Ազգ-միջավայրումն են ապրում, մեծանում, դրսեորում իրենց հոգին, ազգային հոգին, ստեղծագործում իրենց կուլտուրական արժեքները բոլոր մեծ ու փոքր ժողովուրդները, բոլոր դասակարգերը, համայնքները և, վերջապէս, անհատները: Իրականութեան և պատմութեան խօսքն է ար: Այսպէս որ ամեն մի կուլտուրա անպայման ազգային է: Այլ կերպ էլ լինել չի կարող, քանի որ ամեն մի կուլտուրայի հիմքը կազմում են ազգային առանձնայատկութիւնները, ազգային ոգին, ազգային միջավայրը և այլն:

Ճիշտ է, ազգերը և ժողովուրդները մշտապէս դանուում են փոխազգեցութեան մէջ, ճիշտ է, նրանք միմիանցից մշտապէս փոխառութիւններ են անում, բայց, անկասկած է, որ իւրաքանչիւր կուլտուրա, որքան էլ նա զարգանում է օտար կուլտուրաների ազգեցութեան տակ, դարձեալ կրում է ազգային դրոշմը: Այդ իսկ պատճառով էլ ամեն մի ստեղծադրութիւն, քաղաքակրթութեան ամեն մի արտադրայտութիւն ամենից առաջ և առաւելապէս ազգային է: Ո՞վ կարող է բացասել այս:

* *

Շատերը խօսում են կոմօպօլիտիզմի անունից և իրենց յայտարարում աշխարհաքաղաքացի, կարծելով թէ նրանց խոհերը, ստեղծագործութիւնը, ապրելակերպը ոչինչ ազգային չունին: Բայց, մեզ թւում է, որ այդ բոլորը պատրանք է միայն, մի ինքնախա-

թէութիւն, և ուրիշ ոչինչ: Մեզ թւում է, որ կոմօպօլիտիզմը մի թիւր ըմբռնում է, մի անհնարին բան: Ամեն կասկածից գուրս է, որ իւրաքանչիւր անհատ, ով էլ նա լինի, բանւոր թէ բուրժուայ, ուշպար թէ կալւածատէր, գիտուն թէ ագէտ, այդ միննոյնն է, պատկանում է մի ազգութեան, ներկայանում է մի ազգի անդամ: Ինչ էլ ուզենայ նա անի, ինչպիսի հաստրակական քաղաքական դաւանանք էլ նա ունենալ, այդ դրութիւնը ոչնչով չի փոխւի:

↓ Շատ յաճախ կոմօպօլիտիզմ և ինտերնացիօնական գաղափարները շփոթում են իրար հետ: Բայց այդ մի կոպիտ սխալ է: Մեր իգեալը ինտերնացիօնալն է, բայց երբէք կոմօպօլիտիզմը: Մենք պատկանելով մի ազգութեան, այդ ազգութեան հետ միասին պատկանում ենք ազգերի ընդհանուր ընտանիքին՝ ինտերնացիօնալին:

Այս հայեացքը, թէ ազգերը լիչար է վերանան պատմութեան ընթացքում և պիտի ստեղծւի մի միավաղաղ մարդկութիւն, մարդկային մի ցեղ կամ, չգիտեմ, ինչոր նման մի բան, բարեբախտաբար չի ճշտում: Այս պնդումի գէմ բողոքում է ինքը՝ պատմութիւնը, որ մեզ համար իմաստութեան աղբիւր է: Այսօրւայ համաֆողովդական պատերազմը մի աւելորդ անդամ ևս ցոյց տւեց այդ մտայնութեան անհիմն, արտառոց լինելը. Ազգերը, անգամ ամենափոքը ազգերը ոչ մի տրամադրութիւն ցոյց չեն առաջ չքանալու, հեռանալու պատմութեան բեմից՝ կամովին կամ ոյժով: Անգամ աւելին: Հետզհետէ նոր ու նոր անկախ ազգեր են երկան գալիք և ձգտում են հաստատուն տեղ գրաւել ու իրենց յատուկ արժեքները ստեղծագործել:

Ահա այս հիմնական և անժխտելի իրողութիւնները դեկավար տեսակէտ ունենալով, այժմ դառնանք այն հարցին թէ ինչ է սօցիալիզմը և ինչ է նա պահանջում։

Ամենից առաջ սօցիալիզմը չէ գալիս ոչնչացնելու ազգութիւնները։

Սյապէս մտածել, նշանակում է լինել խորին թիւրիմացութեան մէջ։ Սօցիալիզմը, ընդհակառակը, ազգերի գոլութեան փաստն ընդունելով որպէս անտարակուսելի, գալիս է հաստատելու ազգերի յատուկ իրաւունքը և տեղը այս աշխարհում, նա կոչւած է ապահովելու ամեն մի ազգի և ժողովրդի ինքնուրոյն և ազատ զարգացման հնարաւորութիւնը։ Սօցիալիզմը ընորոշում է որպէս մարդկութեան բարձրագոյն զարգացման մի ձգտում, որ տանում է դէպի տընտեսապէս, իրաւապէս, բարոյապէս և քաղաքականապէս ազատ և անքնօրէն ազգութիւնները և այդ ինքնօրէն ազգերի միջավայրում՝ դէպի ազատ և ինքնօրէն անհատները։ Սօցիալիզմի նպատակն է անհատի, աշխատաւոր մարդու կատարեալ ազատագրումը ամեն աեսակի ճնշումներից։ Վ Սօցիալիզմն է լաւապէս ապահովելու անհատի ինքնորոշումը, իրղի և հոգեկան ինքնորոշումը։ Բայց, միւս կողմից, ինչպէս նկատեցինք, անհատները միայն ազգային ձևերի մէջ, ազգ-միջավայրումն են ապրում, զարգանում, խորհում, գործում և ստեղծագործում։ Իսկ սրա բանական և տրամաբանական հետեւթիւնն է, թէ սօցիալիզմը ձգտում է ստեղծել անկախ, ինքնօրէն ազգութիւններ և ապահովել նրանց տեղը և իրաւունքը։

Սօցիալիզմն ոչ միայն չունի ազգերը ոչնչացնելու տենդենցը, այլ ընդհակառակը, նրա բարձր

կոչումն է ներկայ պետութիւնների տեղ ստեղծել ազգերի, անկախ և ինքնօրէն ազգերի ներկայացուցութիւնը։

* * *

Մեր այս վերլուծումից անմիջապէս և արամաբանօրէն հետևում է նախ այն, որ սօցիալիզմը և ազգային գաղափարը ոչ միայն իրար չեն հակասում, այլ, ընդհակառակը, միմիանց լրացնում, ամբողջացնում են։ Եւ երկրորդ, որ ամեն մի սօցիալիստական կուսակցութեան համար ազգային հարցը առաջնակարգ և վերին աստիճանի կենսական խնդրի արժեք ունի։ Սյապէս էլ է։ Յատկապէս սօցիալիզմուրատիան չունի ազգային առանձին ծրագիր, որ բղխում է մարքսիզմի ընդհանուր փիլիսոփայական հասարակագիտական աշխարհայեցողութիւնից։ Բայց այսօր այդ հստանքն էլ կարենը էվոլյուցիայի է ենթարկել և ազգային հարցի վրայացառուկ ուշագրութիւն է գարձնում և տեղ տալիս իր ծրագրի մէջ։

Սօցիալիստական կուսակցութիւնները գերազանցապէս շահագրգուած են, և պէտք է շահագրգուեն, ամենից առաջ վերացնելու բոլոր տեսակի ազգային ձևշումները, ոչնչացնելու մեծ և ուժեղ ազգերի գերիշխանութիւնը փոքր և թոյլ ազգերի վրայ։ Եւ այդ մի քանի նկատումներով։ Նկատած փաստ է, որ այնտեղ, ուր տիրում է ազգային գերիշխանութիւն, մեծապէս բարդանում և դժւարանում է աշխատաւորութեան դաստկարգային կոփուլ։ Նման պայմանների մէջ, ազգային ճնշման միջոցին, շատ գիւրութեամբ բանուրը և բուրժուան, թէկ հակառակ, թշնամի դաստկարգերի ներկայացուցիչներ և

դասակարգային շահերի տէր, միանում են ազգային ինքնապաշտպանութեան, ազգային իրաւունքների և անկախութեան պաշտպանութեան շուրջը՝ ընդդէմ գերիշխող, ճնշող ազգի բուրժուազիայի և բանւորութեան։ Անհերքելի է այս և ճշտւած պատմութեան մէջ։ Այսօրւայ պատերազմը շատ խրախտական փաստեր տւեց այդ աեսակէտից։

Սօցիալիստական կարգի, սօցիալիստական կուսակցութիւնների յաղթանակի զրաւականը կայանում է բոլոր ազգութիւնների յեղափոխական դեմօկրատիայի, աշխատաւոր մասսաների կուռ, համերաշխ միացման մէջ։ Առանց դրան չկայ ազահով յաղթանակ։ Իսկ դրա համար առաջնակարգ կարեորութիւն, հրամայական անհրաժէշտութիւնն է ներկայացնում ազգային հարցի արդար ու արմատական լուծումը, ազգերի իրական իրաւահաւասարութիւնը, անկախութիւնը, ինքը՝ կառւցկին, մարքսիզմի նշանաւոր թէօրետիկը՝ նկատում է, թէ բանւորի նորմալ զարգացման համար ազգային անկախութիւնը նոյնքան ան հրաժէշտ է, որքան ընդհանուր ընտրողական իրաւանքը, խօսքի և մամուլի ազատութիւնը։

Ի՞նչպէս և որ պետական ձեն է լաւապէս ապահովում ազգերի իրաւահաւասարութիւնը և անկախութիւնը։ Սօցիալիստական կուսակցութիւնները տարբեր ձեռք են առաջարկում։ Հ. Յեղ. Դաշնակցութիւնը և մի շարք այլ սօցիալիստական կուսակցութիւններ ընդունում են դաշնակցական հանրապետութեան ձեռք, մանաւանդ Ռուսաստանի նման բազմացեղ և բազմալեզու երկրի համար։ Ամենից առաջ

դաշնակցական դեմօկրատութեան հանրապետութեան մէջ չեն լինի գերիշխող և ստորագաս, իրաւագուրկ ազգեր։ Դաշնակցական հանրապետութեան ձեի մէջ պիտի ապահովէի ամեն մի ազգի ինքնօրէնութիւնը, իսկ թէ ինչպէս և ինչ միջոցներով, այդ արդէն մանրամասներ են, որոնց վրայ այստեղ չենք կարող, և ոչ էլ մեր նպատակն է, կանգ առնել Յիշենք միայն, որ կան ինքնօրէնութեան տարբեր ձեռք—երկրային, ապերկրային, ազգային-կուլտուրական։ Էականն այն է, որ իւրաքանչիւր ժողովուրդ հանդիսանալու է իր ազգային Սահմանագիր ժողովը, որ մշակելու է ազգային պետութեան սահմանադրութիւնը, հիմնական օրէնքները, ինչպէս և ազգային սէյմը, պարլամենտը։ Այսպէս ստեղծելու են անթիւ սէյմեր—ազգային սէյմեր։

Ահա այս ուղղութեամբ պէտք է գործեն սօցիալիստական կուսակցութիւնները, բոլոր ժողովուրդների արմատական դեմօկրատիան։ Այս ուղին է միայն տանում դէպի ժողովուրդների և ազգերի իսկական եղբարութիւնը, իրական իրաւահաւասարութիւնը։

VIII

ԴԱՍԱԿԱՐԳԱՅԻՆ ԿՐԻՒ

Ասել ենք, որ դասակարգային կոիւը ամենահատու միջոցներից մէկն է մեր նպատակին հասնելու համար: —

Մարդկային հասարակութիւնը երբէք չի եղել միատարր, միապաղադ մի զանգւած: Հին և հնագոյն շրջաններից սկսած հասարակութիւնները ենթակայ են եղել մեծ կամ փոքր չափի շերտաւորման, բաժանւած տարբեր, շահերով հակադիր՝ խաւերի, դասերի:

Ընդհանրացներով կարելի է ասել, որ ժողովուրդները միշտ էլ բաժանւած են եղել երկու մեծ զասերի — իշխողների և հպատակների, իրաւատէրերի և իրաւագուրէկների, սեփականատէրերի և սեփականագուրէկների, հարստահարողների և հարստահարողների: Ահա Յունաստանը՝ գեմոս և եւպատրիդներ, ահա Հոռոմը՝ պլէբէյներ և պատրիկներ:

Իշխողը և իրաւատէրը միշտ էլ եղել է հասարակութեան փոքրամասնութիւնը, իսկ հարստահարողները՝ ճնշող մեծամասնութիւնը: Մարդկային մաքի և աշխատանքի դարաւոր նւաճումները չեն ծառայել բնաւ հասարակութեան բոլոր անդամներին հաւասարապէս և անխտիր, այլ բացառապէս տիրող դասի մենաշնորհն են հանդիսացել: Այսպէս որ՝ բովանդակ

պատմութեան ընթացքում այդ տիրող փոքրամասնութեան երջանկութիւնը ձեռք է բերւած ժողովրդի մեծամասնութեան թշւառութեան, դժբախտութեան գնով:

Այդ շահագործող և իշխող փոքրամասնութիւնն իր ձեռքն առնելով ժողովրդի հանրային և քաղաքական կեանքի ղեկը, իր տրամադրութեան տակ ունենալով հարուստ դրամագլուխ և մարզւած զօրք, ազատուկն ստեղծել է և ստեղծում է օրէնքներ և իրաւակարգեր՝ իր կամքի և շահերի համաձայն, և այս ձեռք էլ ապահովել է իր մշտական տիրապետութիւնը: Նա ոչ մի միջոցի առաջ կանգ չի առել անցեալում, և կանգ չի առնում այսօր էլ, իր այդ նպատակի համար:

Նա այդ նպատակով շահագործել է և շահագործում է ազգի, կրօնի, հայրենիքի, պետութեան բարձր գաղափարները, ամեն կերպ ձգտել է և ձգտում է տգիտութեան, անգիտակից դրութեան մէջ պահել հպատակ, շահագործուող և իրաւագուրկ մասսաները: Դրանումն է նա տեսնում իր փրկութիւնը:

Այդպէս է եղել թէ հին և միջնադարեան, թէ արդի բուրժուական, կապիտալիստական հասարակութեան մէջ: Ամեն տեղ և ամեն ժամանակ էութիւնը շարունակում է մնալ նոյնը, փոխուում է միայն շահագործման և տիրապետութեան ձեր: Մի տեղ, մի ժամանակ, օրինակ, հին և միջին դարերում, այդ շահագործումը աւելի բիրտ էր, իսկ այսօր աւելի մեղս, բայց և աւելի խելացի ու մեծ չափով:

Այսպէս, պատմական սկզբնական շրջաններից ի վեր իրար դէմ առ դէմ կանգնած են եղել այս երկու հակադիր, թշնամի դասակարգերը՝ շահագործող

և շահագործւող, բուրժուա և աշխատաւոր, և մշտապէս իրար դէմ կոիւ են մղել—դասակարգային կոիւ. երբեմն մեղմ և խուլ, երբեմն էլ ուժեղ և արիւնահեղ:

Դասակարգային կուի սկզբունքի վրայ շեշտել են շատերը, ինչպէս Շուշտեր, Բանկի, Պեկեր, Բաբօփ, Ռուսաստանում՝ Հերցէն և այլն. Բայց աւելի լրիւ և վերջնական ձեակերպում տւին Մարքս և էնդելս՝ «Կօմմունիստական մանիֆեստում»:

Մարքս և էնդելս դասակարգային կոիւը հոչակեցին որպէս պրօգրէսի մի հզօր գործօնը: Անգամ աւելին: Նրանք անվերապահ տայտարարեցին, թէ ժողովուրդների պատմութիւնը այլ բան չէ, եթէ ոչ դասակարգերի կուի պատմութիւն: Չափազանցութիւն է այս, անշուշտ, և բնաւ չի համապատասխանում պատմական իրականութեան: Պատմութեան բովանդակութիւնը չի լցում միայն դասակարգերի կուի պատմութիւնով: Պատմութիւնը չի ստեղծում և առաջ շարժում միայն այդ գործօնի շնորհիւ: Դասակարգային կոիւը մէկն է ժողովուրդների պատմական զարգացման ազգակներից, և հղօր ազգակներից: Բայց դրանից ոչ աւելի: Դասակարգային կուի չափ, անգամ աւելի, մարդկային պատմութիւնը լցնում է ցեղերի, ազգային կոիւը: Եւ այդպէս է պատմական ամենահին շրջաններից ի վեր: Իսկ այսօրւաւ մասին աւելորդ ենք համարում խօսել, քանի որ երբէք ազգերի հակամարտութիւնը այնպէս ցայտուն ձեի մէջ չէր արտայատւել, ինչպէս մեր օրերում:

Բայց որն է այն չափանիշը, որով որոշում են դասակարգերը, թէ այս մէկը բուրժուա է և այն միւսը՝ աշխատաւոր, ոչ-բուրժուա: Այդ մասին կան տար-

բեր տեսութիւններ: Բայց մեզ համար ամենաճիշտ չափանիշը եկամուտի աղբիւրն է: Հասարակութեան մի մասը չի աշխատում, այլ ապրում է յաւելեալ արժէքով: Իսկ այս յաւելեալ արժէքը բանւորի և ուշպարի աշխատանքի այն մասն է, որ չի վճարւած: Այնպէս որ հասարակութեան այդ մասը, իշխողները և սեփականատէրերը ապրում են մեծամասնութեան, աշխատաւոր ժողովրդի հաշւին:

Ոյս շահագործումը կատարւում է հաւասարապէս թէ գործարանում՝ տեխնիքական աշխարհում և թէ գիւղում՝ գիւղական աշխարհում: Էական տարբերութիւն չկայ: Երկու դէպքումն էլ, գիւղական թէ տեխնիքական աշխարհում, շահագործում է աշխատաւորը, որ սահնում և ապրում է իր հալալ աշխատանքի մի չնչին մասով միայն:

Նկատենք, որ մենք էական ոչ մի տարբերութիւն չենք տեսնում գիւղի և գործարանի աշխատաւորի, աշխատաւոր գիւղացու և բանւորի միջև: Մեր խորին համոզմունքով կոպիտ է և անճշտ մարքսիստական բաժանումը: Ըստ մարքսիզմի ամբողջ մարդկութիւնը բաժանում է բուրժուազիայի և պրօլետարիատի: Գիւղացիութեան համարել անվերապահօրէն բուրժուական, նշանակում է կատարել մի կոպիտ սխալ: Միանգամայն անարդար և անհնարին բան է բուրժուա, հետևապէս շահագործող համարել այն գիւղացուն, որ ապրում է իր աշխատանքով, իր ճակատի քրտինքի արդիւնքով և ոչ ոքի չի շահագործում, ոչ մէկի աշխատանքի վաստակը չի յափշտակում: Եւ եթէ գիւղի աշխատաւորութեան մէջ նկատելի է որոշ շերտաւորում, որոշ հակառակութիւն, նոյնը նկատելի է նաև գործարանի աշխատաւորու-

թեան, բանւորութեան շարքերում: Այդ տարբերութիւնը, այդ հակամարտութիւնը այնքան աննշան է, որ էական նշանակութիւն չի կարող ուսնենալ բնաւ:

Այսպէս, մի կողմը կանգնած է կապիտալիստական-բուրժուական դասակարգը և միւս կողմը աշխատաբական դասակարգը՝ արդիւնագործական բանւորութիւնը և աշխատաւոր գիւղացիութիւնը:

Այս երկու դասակարգերը երթալով աւելի անհաշտ, աւ ելի կատաղի թշնամիների բանակի կերպարանք են ընդունում: Թէ մէկը և թէ միւսը այսօր, — յաղթանակելու համար, — կազմակերպւում են միջազգայնօրէն, և նրանց կոիւը ընդունել է միջազգային բնաւորութիւն:

Նոր չէ այս կոիւը, ինչպէս ասել ենք: Գարերի ընթացքում շարունակւում է այդ դասակարգային կոիւը:

Բայց այդ շարունակական և յամառ կուից յաղթանակող է դուրս գալու աշխատաւորութիւնը, յեղափոխական և միջազգային դեմոկրատիան: Այսօր արդէն վճռական յաղթանակներ է տանում աշխատաւորութիւնն ամեն տեղ: Կապիտալիզմը, կապիտալիստական հասարակարգը վերջի-վերջոյ ոչնչանալու է, կապիտալիզմը սնանկ է յայտարարելու: Այս է Հ. Յ. Դաշնակցութեան համոզումը: Այս է ասում և վկայում նաև պատմական ընթացքը: Այս են թելադրում նոյնպէս պատմական գարգացման սուբիեկտիւ ոյժերը:

Արդարութիւնը աշխատաւորութեան կողմն է: Արդիւնագործական բանւորութիւնը և աշխատաւոր գիւղացիութիւնը պայքարում են իրենց կատարեալ ազատագրման համար: Բայց այդ միայն իրենց ազատագրումը չէ, այլ ամբողջ մարդկութեան ազատա-

գրումը: Ինչու: Նախ և առաջ գիւղացիութիւնը և բանւորութիւնը կազմում են ժողովրդի ձնշող մեծամասնութիւնը, զրեթէ 90—95 տոկոսը, Եւ երկրորդ, որ ամենապլիսաւորն է, աշխատաւորութիւնը բնաւ նպատակ չունի միւսներին ձնշելու: Այս չէ նրա պատմական և հասարակական միսիան: Նա ուզում է, որ ամենուրեք թագաւորէ իրաւանաւասարութիւն և աշխատանքի բարձր և սրբազն սկզբունքը, որ ամեն մէկը աշխատէ և իր սեփական աշխատանքով ապրէ: Աշխատաւորութեան նպատակն է ոչնչացնել մասնաւոր սեփականութիւնը, որ հասարակական չարիքի գլխաւոր արմատն է և ընդհանրութեան, համայնական սեփականութիւն դարձնել հողը, հանքերը, գործարանները, հաղորդակցութեան և փոխանակութեան միջոցները, և այսպիսով երկրի բովանդակ տնտեսութիւնը վարել հաւաքական, կօլեկտիւ կերպով:

Եւ այդ պահուն կապիտալիստական հասարակական շէնքի վլատակների վրայ բարձրանալու է սօցիալիստական հասարակարգը: Հէնց այդուեղ էլ վերջանում է դասակարգային կոիւը, գոնէ այն ընոլթի դասակարգային կոիւը, որ այժմ մղւում է: Զմոռանանք, որ դասակարգային կոիւը նպատակ չէ, այլ մի միջոց է միայն՝ որոշ իդէալ իրականացնելու համար:

Բայց մինչև սօցիալիզմը, սօցիալիստական հասարակարգը, դեմոկրատիան, աշխատաւորութիւնը ձգտում է կեանքի մէջ իրագործել համայնական սեփականութեան և տնտեսութեան մի քանի ձներ, յատկապէս գործակցութիւնների, արդիւնաբերող և սպառող ընկերակցութիւնների միջոցով: Հ. Յ. Դաշնակցութիւնը յանձնարարում է ամեն տեղ ոյժ տալ

համայնական սկզբունքներին։ Այդ ընկերակցութիւնները ոչ միայն որոշ չափով ապահովելու են աշխատաւորութեան առօրեայ շահերը, այլ և, համայնական ոգով գաստիաբակելով ժողովրդական մասսաները, պատրաստելու են նրանց սօցիալիստական հաստրակական և իրաւական կազմակերպութեան համար, ուրիշ խօսքով, հարթելու են դէպի սօցիալիզմը տանող ճանապարհը։

IX

ՕԲԻԵԿՏԻ ԵԽ ՍՈՒԲԻԵԿՏԻ ՈՅՁԵՐ

Տնտեսապէս, իրաւապէս և բարոյապէս ազատու ինքնօրէն մարդկութիւն կամ սօցիալիզմ—այսպէս ձեակերպեցինք մեր վախճանական իդէալը։

Մեր այս հաստրակական իդէալը, ինչպէս տեսանք մինչև այժմ, մի անխարիսխ ցնորք, մի գեղեցիկ ցանկութիւն չէ միայն։ Նա «մի հուարաւորութիւն է, իրագործելի հնարաւորութիւն», պատմութեան մէջ մատնանշւած։ Մեր հաստրակական իդէալը բղխում է, մի կողմից, իրերի առարկայական, տարերային ընթացքից և, միւս կողմից, պատմութիւնը առաջ շարժող ոյժերի, զանգւածների և անհատների կամքից, խղճից և բանականութիւնից։ Այսպէս, մեր իդէալի օգտին են խօսում պատմութեան երկարք գործները՝ օրիեկտիւ և սուբիեկտիւ։

«Պատմութեան օբիեկտիւ և սուբիեկտիւ ստեղծագործող ոյժերի գաշնազրութեան մէջ է մեր յաղթանակի գրաւականը»։ Ահա ինչ է ասւած Հ. Յ. Դաշնակցութեան ծրագրի մէջ։

Այս խօսքերի մէջ մի ամբողջ հաստրակագիտական վարդապետութիւն կայ, — Մենք չենք կանգնած

այն տեսակէտի վրայ, թէ պատմութեան միակ շարժիչ ոյժը առարկայական գործօններն են: Մենք համաձայն չենք, թէ ամեն մի հասարակական կամ քաղաքական լեզարջում, պատմական երևոյթ առաջանում և զարգանում է տարերայնօրէն, միմիայն իրերի տարերայն ոյժերի շնորհիւ: Սա կը լինէր հիմնական հակասումն այն ընդհանուր և զեկավար տեսակէտի, որ զարգացրել ենք մեր այս փոքրիկ հասարակագիտական էտիւդներում: Մենք չենք ընդունում, թէ մարդկային զարգացումը արտադրական ոյժերի իմմանենտ զարգացումն է, ինչպէս թելադրում է Մարքսի հասարակագիտական տեսութիւնը: Մարքսի վերոյիշեալ թեղիսի համաձայն, տեղի է ունենալու անպայմանօրէն, բնական անհրաժեշտութեամբ կապիտալի կենտրոնացում, կուտակում. խոշոր կապիտալական արտադրութիւնը առաջ է բերելու վարձու բանւորութիւն, բնականօրէն վերանալու են մանր արդիւնաբերութիւնները և զրա անխուսափելի հետեւանքը լինելու է պրոլետարիատի հսկայական աճումը, ուրիշ խոսքով, կատարելու է ժողովրդի լայն խաւերի, գիւղացիութեան և այն, անդարձ և կատարեալ պրոլետարացումը: Այսպիսով, իրերի բնական ընթացքը ստեղծում է պրոլետարիատի դերիշմանութիւնը, դիկտատուրան և, հետևապէս, մեր ցանկալի երջանկութիւնը:

Բայց այս տեսական կառուցւածքին ժամանակը և կեանքը խիստ հարւածներ տւին: Զարգացման ընթացքը ցոյց տւեց, որ տեղի չի ունենում սպասած կապիտալի և հողի կենտրոնացումը, մանր արդիւնաբերութիւնները յամառ կերպով շարունակում են պահպանել իրենց գոյութիւնը, ինչպէս և չի կատարում

պրոլետարացումը այն չափով, ինչպէս ենթադրում էին տեսականապէս:

Ըսդունել, թէ քաղաքական կամ հասարակական յեղացը ներկայանում են այնպիսի ընտական, տարերային պորթկումներ, ինչպիսին են երկրաբանական պորթկումները, դա նշանակում է կատարել մի կոպիտ հասարակագիտական սիսալ:

Հասարակական և քաղաքական շարժումների, պատմական երևոյթների մէջ որոշիչ դեր են խաղում նաև սուբիեկտիւ ոյժերը, սուբիեկտիւ գործօնները, անհատների և հասարակական խմբակցութիւնների գիտակցական և ակտիւ գործունէութիւնը: Սօցիալական կեանքի խելացի և արդար վերակազմութեան գործը հնարաւոր է, —և կատարւելու է, բոլոր աշխատաւորների գիտակցական ստեղծագործութեամբ և ակտիւ մասնակցութեամբ:

Ահա չ. Յ. Դաշնակցութեան աշխարհայեցողութեան մի բնորոշ կողմը:

Մարդանհատը իր էութեամբ մի զգացող, տեսչացող և որոշ նպատակներ ունեցող էութիւն է: Նա չի բաւականանում միայն նրանով, ինչ կայ, ինչ ուեալ է, ինչ անհրաժեշտօրէն լինելու է: Նա ուզում է ստեղծել այն, ինչ ցանկալի է, ինչ պիտի լինի: Սօցիալական հրամայականն է այս: Մարդ իր իդէալ, բարոյական և արդարութեան տեսակէտով քննադատում, վերագնահատում է այդ, նոր արժէքներ ստեղծում և դրանց յաղթանակի համար պայքար մզում: Եւ մարդիկ այս ձևով իրերի բնական ընթացքի մէջ իրենց յատուկ մասնակցութիւնն են ունենում, ոչալ յարաբերութիւններին ուղղութիւն տալիս, աղդում երևոյթների շարժման վրայ:

Այստեղից արդէն պարզում է որոշ չափով նաև պատմութեան այդ երկշարք գործօնների, օրիեկտիւ և սուբիեկտիւ ոյժերի փոխ-յարաբերութեան հարցը։ Բայց միայն որոշ չափով։ Մի փոքր կանգ առնենք այս փոխ-յարաբերութեան վրայ։

Հէնց սկզբից պիտի նկատենք, որ օրիեկտիւ և սուբիեկտիւ ազդակների փոխազդեցութեան և դերի որոշումը մի բարդ և դժւարին խնդիր է։ Սյս երկշարք գործօնները պատմութեան, քաղաքական և հասարակական երևոյթների մէջ այնպէս շաղկապւած են, որ այնքան էլ դիւրին չէ ճշտապէս որոշել իւրաքանչիւրի դերը և մասնակցութեան չափը։

Բայց յամենայն դէպս պատմութեան այդ երկու կողմերը չեն հակասում իրար, այլ լրացնում են և կազմում մի ներդաշնակ ամբողջութիւն։ Օրիեկտիւ գործօնները կամ ոյժերը այս կամ այն չափով որոշում են պատմական, հասարակական և քաղաքական շարժման կարգը, իսկ սուբիեկտիւ գործօնները ազդում են այդ շարժման ընթացքի վրայ։ Թէս պատմականօրէն երևոյթները որոշում են, հասարակական միջավայրը հասունանում է, բայց որոշ իդէալ ունեցող անհատները և խմբակցութիւնները իրենց կնիքն են դնում շարժման ընթացքի վրայ, վճռական մասնակցութիւն ունենում այդ երևոյթների վախճանական ձևաւորման մէջ։ Եւ հէնց դրանումն է կայանում ակտիւ մասնակցութիւնը և այդպէս պիտի հասկանալ այն միտքը, երբ ասում են՝ պատմութիւն ստեղծել։

Ո՞վ կարող է ժխտել այն հսկայական և վճռա-

կան դերը, որ կատարեց բուրժուազիան, երրորդ գասակարգը, ֆրանսիական Մեծ Յեղափոխութեան ստեղծման և ձևաւորման մէջ։ Այդ մեծ հասարակական պորթկումը, անկասկած, պատմականօրէն պատրաստւած էր, միջավայրը հասունացած, բայց բուրժուազիան տւեց յեղաշրջմանը իր ուզած ընթացքը, իր դասակարգային շահերի և հասարակական իդէալի տեսակէտով ձեւ տւեց շարժմանը՝ չխնայելով ոչ մի միջոց, եռանդ և կեանք։ Թէս իսկոյն պէտք է աւելացնենք, որ այս աննախընթաց յեղաշրջումը նախապատրաստելու գործում շատ կարևոր և որոշիչ դեր են կատարել սուբիեկտիւ ազդակները, իդէոլոգիան, XVIII դարի միտքը, լուսաւոր փիլիսոփայութիւնը, մի Վոլտեր, մի Ռուսսօ և այլն։

Ահա մեր աչքի առաջ կատարւող ուսւական մեծ յեղափոխութիւնը։ Որքան էլ մենք այս յեղաշրջման առարկայական պատմառների առաջնակարգ դերը ընդգծենք, յամենայն դէպս չենք կարող—և անկարովի է—ուրանալ այն հսկայական աշխատանքը, որ այդ ուղղութեամբ կատարել են հասարակական դեմօկրատ խաւերը և խմբակցութիւնները, ինչպէս և աննարին է ժխտել այն վճռական դերը, որ խաղացին բանաւորութիւնը, զօրք-գիւղացիութիւնը, յեղափոխական ինտելիգենցիան և լիբերալ տարրերը։ Այս սուբիեկտիւ գործօնները, որ ներկայացնում են ընդհանուր կամք, վճռապէս ազդել են, և աշխատում են ազդել ուսւական՝ դեռևս չաւարտւած՝ յեղափոխութեան ընթացքի, ձեաւորման վրայ։ Այսօր մեր աչքի առաջ կատարւում է մի կատաղի պայքար՝ ոչ միայն զանազան դասակարգերի միջև, այլ և յեղափոխական դեմօկրատիայի շարքերում։ Ամեն մի զանգւած, ամեն

մի խմբակցութիւն, ունենալով տարբեր իդէալ, ձըգ-
տում է իր այդ իդէալի համաձայն շարժել այսօրւայ
պատմութիւնը, ձև և բովանդակութիւն տալ յեղափո-
խական պրօցեսին:

Բայց դեռ աւելին կարելի է ասել: Շատ յաճախ
զիտակից և՝ հանճարեղ անհատներ, հասարակութեան
զիտակից փոքրամասնութիւնը, որ նոր խօսք ունին
ասելու և նոր ձև՝ պետութեանը տալու—չեն սպա-
սում բնաւ միջավայրի հասունանալուն, օրիեկտիւ
ոյժերի զարգանալուն: Նրանք խառնուում են իրերի
տւեալ կարգերի մէջ և իրենց ներգործօն մասնակ-
ցութեամբ ձգտում են պատմութիւնը առաջ մղել,
պատմութիւն ստեղծել, թէև շատ լաւ զիտեն, որ
նրանց սպասում է ներկայ հասարակարգի տէրերի
կողմից աքսոր, կախաղան, գիլիոտին և այլն: Արանք
ռարեան և անհամար տանջանքների այն հսկայական
հնոցներն են, որոնց միջից անցել են յեղափոխիչ զա-
ղափարները», ասում է Քրիստոփոր Միքայէլեանը:
Եւ եթէ դրանք սպասէին, որ միջավալը հասունա-
նար, որ բոլորը համաձայնէին նրանց հետ, մեր
քաղաքակրթութիւնը դեռևս կը լինէր քարէ շրջա-
նում: Ահա ինչպիսի համոզում ունէր Քր. Միքայէլ-
եանը, Դաշնակցութեան մեծ հիմնադիրը: յ

Սյսպէս է պատմութիւնը, հասարակական պրօ-
գրէսը առաջ շարժել: Նոյնն է և այսօր: Իդէօլոգիան,
սուբիեկտիւ ոյժերը, զիտակից անհատները և զանդ-
ւածները վճռապէս ազդում են հասարակական և քա-
ղաքական շարժումների ընթացքի և ձևաւորման վրայ,
դանդաղեցնում կամ արագացնում են նրանց զարգա-
ցումը:

* * *

Այս ղեկավար տեսակէտից ենելով, մենք չենք
կարող հաշտւել անտեսական մատերիալիզմի, Մարք-
սի հասարակագիտութեան այն դրութեան հետ, թէ
մարդկային զարգացումը կախւած է բացառապէս
արտադրական ոյժերի զարգացումից: Ամբողջապէս
ճիշտ չէ այս միտքը: Արտադրական ոյժերի զարգա-
ցումը հասարակական միակ պայմանը, մանաւանդ
նախապատճառը չէ: Եթէ այդպէս լինէր, եթէ այս-
տեղ այլ գործօններ դեր չխաղային, այն ժամանակ
անբացատրելի կը մնար այն երկոյթը, թէ ինչու մի
երկում, օրինակ, Անգլիայում կամ Գերմանիայում
արտադրական ոյժերը հասել են արտակարգ զարգաց-
ման, իսկ մի այլ երկում, օրինակ, Պարսկաստանում
կամ Տաճկաստանում նոյն ոյժերը դեռ ևս գտնուում
են զարգացման ամենապրիմիտիւ աստիճանի վրայ:
Այստեղ, անկասկած, մեծ դեր են խաղում, և խաղա-
ցել են, սուբիեկտիւ ոյժերը, զիտակցութեան ձեերը,
իդէօլոգիան, մարքսեան տերմինոլոգիայով՝ հասա-
րակական կառուցւածքի վերնաշէնիշ: Մի տեղ ահա
այս սուբիեկտիւ գործօնները նպաստում են արտա-
դրական ոյժերի զարգացման, իսկ մի այլ տեղ ընդ-
հակառակը յետ են պահում այդ զարգացումը:

Միւս կողմից, քանի մարդը համնում է զարգաց-
ման աւելի բարձր աստիճանի, այնքան աւելի ազա-
տագրւում է բնութեան կոյր ոյժերի հպատակութիւն:
Նից և հանդիսանում է իր կեանքի և ճակատագրի
ազատ տնօրինողը: Հին ժամանակ, քաղաքակրթու-
թեան ցածր աստիճանի վրայ, մարդը աւելի ենթա-

կայ էր բնութեան կոյր ոյժերին: Իսկ այժմ մարդկանց աշխատանքը տարւում է մի որոշ ուղղութեամբ՝ ազատագրւել միանգամայն բնութեան ոյժերի գերութիւնից: Եւ այդ ազատագրումը կատարւում է այն ձևով և ճանապարհով, որ մարդն աշխատում է ուսումնասիրել բնութեան ղեկավար օրէնքները, երեւան բերել բնութեան գաղանիքները և այդպէս իշխել բնութեան վրա:

Ինչպէս նկատեցիք, մենք աւելի երկար կանդ առանք սուբիեկտիւ գործօնների վրայ: Այդ, անկանգած, առանց հիմնաւոր պատճառի չէր: Պատմութեան օրիեկտիւ օրէնքների, օրիեկտիւ ոյժերի դերը, առհասարակ, կասկածի չի ենթարկւում: Բայտ արժանաւոյն չեն գնահատւում յատկապէս սուբիեկտիւ աղդակները:

Այսպէս, մեր ամբողջ վերլուծման արդիւնքը և տրամաբանական հետեւութիւնը եղաւ այն, որ **Վ** սուբիեկտիւ և օբիեկտիւ ոյժերը կամ գործօնները կազմում են իրապէս պատմութեան երկու կողմերը, որոնք իրար չեն ժխտում, այլ անբաժան են և ներկայացնում են մի ներդաշնակ ամբողջութիւն: **Զ.** Յ. Դաշնակցութիւնը հէնց այս երկու «ոյժերի դաշնադրութեան մէջ է տեսնում զրաւականն այն յաղթանակի, որ պիտի տանի աշխատաւոր մարդկութիւնը թէ բնութեան կոյր ոյժերի և թէ հասարակութեան մէջ եղած անարդարութեան դէմ»:

Հ Այս խօսքերի մէջ ընդգծում է Յ. Յ. Դաշնակցութեան աշխարհայեացքի սինթետիկ բնորոշ կողմը: Այս մոնիստական հայեցակէտը ճանաչում է պատմութեան այդ երկշարք ոյժերի փոխազդեցութիւնը, աւելի ճիշտ, համարժէք լինելը և մանաւանդ իրար

պատկանելը: Սյս սինթետիկ, համադրական մոնիզմը հետզհետէ արագ նւաճումներ է անում գիտութեան մէջ, պատմութեան և ֆիլիսոփայութեան, սոցիոլոգիայի և հոգեբանութեան և այլն:

Ոյստեղ երեան են գալիս այն երկու յաւիտենական կատեգորիաները, որոնց վրա այնքան խորհել են գարերով, այսինքն՝ ճշմարտութեան և արգարութեան, օրիեկտիւ ճշմարտութեան և սուբիեկտիւ ճշմարտութեան կամ՝ Կանտի խօսքերով՝ գուտ և գործնական բանականութեան կատեգորիաները:

X

ՄԵԽԱՆԻՉՄ ԵՒ ՆՊԱՏԱԿԻ ՏԵՍԱԿԵՏԸ

Մեխանիզմը մէկն է այն կօսմօլոգիական պրօբ-
լէմներից, որոնց ոկիզբը ձգւում է մինչև հին ժամա-
նակները:

Ի՞նչն է կազմում մեխանիզմի էութիւնը,

Այս աշխարհայեցողութիւնը ճանաչում է մի-
միայն ազդող պատճառներ:

Մի շարք մտածողներ, հին ժամանակներում՝
Դէմօկրիտ, Էպիկուր և այն, յաջորդ դարաշրջաննե-
րում՝ Կոպերնիկոս, Կեպլեր, Զօբբէս, Լամետրի, Զօլ-
բախ և այն, իսկ այժմ՝ մատերալիստները, կանգնած
են մեխանիզմի տեսակէտի վրայ: Նրանք պաշտպա-
նում են անհրաժեշտութեան և մեքենայական պատ-
ճառականութեան ոկզբունքը: Այն ամենը, ինչ տեղի
է ունենում աշխարհում, բնութեան մէջ, տիեզեր-
քում, ընդգրկած բովանդակ բնական և հասարակա-
կան երեսյթները և պրօցէնները,— այդ բոլորը ան-
հրաժեշտութեան որոշած է, այդ ամենը հանդչում է
մեխանիզմի սկզբունքի վրայ: Ամեն եղելութիւն,
ֆիզիքական թէ հոգեկան, դիտուում է իբր մեքենայա-
կան շարժում, կատարած աննպատակ, կուրօրէն:

Շարժում, անվերջ շարժում, մատերիայի, ա-
տօմների շարժում . . .

Կարծ, աշխարհը այլ բան չէ, եթէ մի կոլը մե-
խանիզմ, մի հսկայական և խիստ բարդ անիւ, որը
յաւէտ առաջ է զլորուում առանց որ եւ է նպատակի,
առանց որ եւ է դիտառութեան:

Ահա այս մեքենայական պատճառակութիւնը
կազմում է բնագիտութեան զէնքը, նրա ղեկավար
սկզբունքը: Բնագիտութեան սահմանում բոլոր պրօ-
ցեսները և եղելութիւնները անհրաժեշտօրէն և կառւ-
զալ որոշած ու պայմանաւորւած են: Տիրողն է մե-
քենայական օրինաչափութիւնը:

Մեխանիզմի տեսակէտը ընդունելի է միայն այն
չափով, ինչ չափով նա տարածւում է անօրգանական
աշխարհի, բնութեան երեսյթների և շարժումների վրայ:
Անօրգանական աշխարհում, ճիշտ է, տեղի չեն ունե-
նում դիտաւորեալ և նպատակագրւած ազդեցութիւն-
ներ: Կատարւող բոլոր շարժումները և երեսյթները
կրում են տարերային բնոյթ: Բնութիւնը չունի—և
չի ճանաչում—որևէ մօտաւոր կամ հեռաւոր նպա-
տակ և գիտակցաբար նրան ձգառում: Այստեղ գոր-
ծում, ղեկավարում է տարերային ոյժը: Այստեղ
թագաւորում է բնագիտական-մեխանիտական պատ-
ճառականութիւնը:

* * *

Այս չափով իրաւունք ունեն մեխանիզմի հետե-
ւորդները: Բայց երբ նրանք ուզում են այդ սկզբուն-
քը լնդիմանրացնել, տարածել նաև կենդանական, նա-
մանաւանդ մարդկալին աշխարհի վրայ: Բայց երբ

նրանք ուզում են այդ սկզբունքը կիրառել նաև հոգեկան կեանքի օրէնքների՝ անհատական և սօցիալ, ինչպէս և հասարակական երևոյթների վրայ, ահա այստեղ նրանք չարաշար սխալում են:

Մենք տեսնում և ճանաչում ենք մարդկային և կենդանական աշխարհում նպատակ, տեսդենց, մի տեղ աւելի, մի այլ տեղ՝ պակաս գիտակցական, Այստեղ մենք փաստապէս և անմիջօրէն գործ ունենք գիտակից էութիւնների և նրանց հոգեկան արգասիքների ու գործողութիւնների հետ. այստեղ ի նկատի է առնւում արդէն նոյնպէս նպատակաբանական գիտողութիւնը:

Մարդու հոգին ունի իր իւրայատուկ օրէնքները, որոնց անկարելի է բացատրել բացառապէս մեխանիզմի սկզբունքով, և որքան մի էութիւն հոգեկան աւելի բարդութիւն է ներկայացնում, այնքան աւելի քիչ է ենթարկում մեխանիզմին, այնքան աւելի քիչ աղջում դրսի աշխարհից: Եւ մարդը, իբր այդպիսին, իբրև բարդ հոգեկան ոյժեր՝ զգացում, կամք և գիտակցութիւն՝ կրող էութիւն, իր հետ մտցնում է հասարակական կեանքում մի անհատնում շարք տեսչերի, ձգտումների, տեսդենցների, նպատակադրութների, մի ամբողջ սուրբեկտիւ տելէօլօգիա, և գրանից հասարակական փոխայրաբերութիւնների մէջ առաջանում է մի ամբողջ սօցիալական տելէօլօգիա (նպատակաբանութիւն):

Եւ եթէ, լիրաւի, ամբողջովին ճիշտ լինէր մեքենայական աշխարհայեցողութեան պնդումը, այն ժամանակ մենք իրաւունք չեինք ունենալ իրակ պատասխանաւորեան, պարտականութեան և մօրակի մասին, չը որ ըստ մեխանիզմի ամեն ինչ

կառուզալ որոշած է, չը որ մարդը կոյր գործիք է արտաքին հանգամանքների ձեռքում: Եւ առհասարակ մեխանիզմի համար պարտականութեան գիտակցութիւնը մնում է որպէս մի առեղծւած:

Այլպէս չէ մարդկային հասարակութեան մէջ, սօցիալ-պատմական երևոյթների շրջանում: Սօցիալ-պատմական երևոյթներն ունեն իրենց իւրայատուկ օրէնքները, իրենց լատուկ պատճառականութիւնը:

Մարդիկ, իբր միտք և գիտակցութիւն կրողներ, ձեւ են տալիս օրիեկախն, ուղղութիւն և գոյն բնութեան տարերային երևոյթներին ու դիպւածներին և մղում դէպի մի կէտնպատակ: Նրանք իրենց են ծառայեցնում բնութեան ոյժերը, կանոնաւորում տարերային ոյժի առաջացրած անկանոն փոփոխութիւնները, ենելով միշտ էլ որոշ նպատակից: Այստեղ, սօցիալական երևոյթների մէջ, մարդկային գործողութիւնների աշխարհում խիստ սահմանափակում է բնագիտական-մեխանիքական պատճառականութիւնը: Այս սահմանում տիրողն է նպատակի տեսակէտը, սօցիալ-պատմական պատճառականութեան և անհրաժեշտութեան սկզբունքը: Պատմական երևոյթները, առհասարակ պատմական ընթացքն ունի իր ուրոյն օրինաչափութիւնը՝ սօցիալ-պատմական, բայց երբէք մեքենայական:

Բայց այդ երկու սկզբունքները՝ բնագիտական-մեխանիքական և սօցիալ-պատմական, չեն ժխտում միմիանց, այլ լրացնում, ճիշտ այնպէս, ինչպէս լրացնում են կօլլեկտիւ և անհատական կամեցողութիւնները, որի մասին խօսք կը լինի: Եւ այդ սօցիալ-պատմական օրինաչափութեան համապատասխանում է մի որոշ իգէալ, որը գնում են մարդիկ: Այստեղ անխու-

սափելիօրէն շեշտում է նպատակաբանական տարրը։
Այդ գերագոյն իդէալն է միջտ էլ առաջնորդում
անհատներին, մարդկային խմբակցութիւններին և
հատւածներին։ Ամենքը սօցիալական-պատմական
կեանքում ղեկավարում են այդ իդէալի տեսակէտով։
Այստեղ ուժգին շեշտում է սուբիեկտիւ տեսակէտը։
Եւ ի զուր չէ, որ ամեն մի պատմական երկ սու-
բիեկտիւ շեշտ ունի։ Պատմագիրը ոչ թէ օբիեկտիւ
կերպով նկարագրում է միայն պատմական փաստե-
րը և խաղաղ, անդորր հոգով վերլուծման ենթարկում,
այլ, ընդհակառակը, նա աւելի քննադատում, գնահա-
տում է իր սօցիալական իդէալի տեսակէտով։ Նրան
զբաղեցնում է աւելի այն, ինչ պիտի լինի՝ սօցիալա-
կան Հրամայականը։ Սա ամբողջապէս արդիւնք է
որոշ տեսակէտի, իսկ տեսակէտները սուբիեկտիւ են
արդէն։

Եւ յիրաւի, ամեն մի պատմական աշխատութիւն
անպայման սուբիեկտիւ է։ Ով ճառում է օբիեկտի-
ւութեան մասին, նա իրօք ինքնախաբէութեան մէջ
է գտնուում։ Զը կայ օբիեկտիւ պատմական երկ։ Եթէ
կայ այդպիսին, նշանակում է գրողը չունի որևէ տե-
սակէտ, իսկ դա էլ անհնարին է ընդունել։ Ամեն
մի անհատ ունի իր իւրայատուկ տեսակէտը, իր
ակնկալութիւնը կետնքից, ի հարկէ իր հասկացողու-
թեամբ։ Եւ այդ տեսակէտով էլ նա լուսաբանում է
հասարակական-պատմական երևոյթները և փաստերը։
Երբ մենք թերթում ենք մի պատմական երկ, լինի
նա խոչոր թէ մանր, իսկոյն մեր աչքին է զարնում
այդ մատնանշած յատկանշական կողմը։ Միենոյն հա-
սարակական երևոյթը, միենոյն պատմական շրջանը
բոլորովին և հիմնօրէն տարբեր բնութ, աարբեր բո-

վանդակութիւն կրում տարբեր հայեցողութիւններ
ունեցող պատմախոյզների մօտ։ Միենոյն երեսոյթը
մէկի համար յետադիմական է, միւսի համար՝ առա-
ջադիմական։

Այս բոլորը անմիջական արդիւնք է նրանց ակն-
կալութեան կեանքից, արդիւնք այն իդէալի, որ նրանք
ունեն կեանքի վերաբերմամբ և որը իրականացնելու
համար չեն ինայում ոչինչ։

* * *

Մեր իդէալն է անհատի կատարեալ, բազմակող-
մանի և ներդաշնակ զարգացումը հասարակութեան
մէջ։ Այն, ինչ որ տանում է դէպի այդ իդէալի իրա-
կանացումը, պրօգրեսիւ է մեղ համար, իսկ հակա-
ռակ քայլը՝ ըեղբեսիւ։ Մենք կուում ենք այն բանի
դէմ, ինչ խանգարում է դէպի մեր իդէալը տանող
ընթացքը և, ընդհակառակը, ոյժ տալիս այն բոլորին,
ինչ նպաստում, հարթում է մեր իդէալի ուղին։ Դրա-
կան է այն, ինչ մեր իդէալի օգտին է խօսում, բա-
ցասական է այն, ինչ՝ ընդդէմ։ Եւ մենք գործադրում
ենք մաքսիմումը մեր եռանդի և ոյժի, մտքի և դգա-
ցնմի՝ իդէալի իրականացման համար։ Մեր բոլոր
գործողութիւնները բացառապէս ուղղւած են այդ
բնեուակէտին։ և մենք փաստապէս, ինչպէս ամեն
մէկը առհասարակ, մտցնում ենք հասարակական երե-
ւոյթների շրջանում որոշակի տեսակէտ, հետեւապէս
նպատակ, մի սօցիալ-պատմական անհրաժեշտութիւն։

Սօցիօգիայի, քաղաքականութեան, էսթէտի-
կայի և էթիկայի շրջանակում, ուր մենք գործ ու-
նենք գլխաւորապէս արժէքների և գնահատումների

հետ, տիրում է գլխաւորապէս նպատակի տեսակէտը։ Այստեղ խիստ սահմանափակւում է օքիեկտիւ տարրը նպատակադրող սուբիեկտով։ Սօցիօլօգիայի, էթիկայի, էսթետիկայի և քաղաքականութեան մէջ տիրում է ոչ միայն այն, ինչ որ կայ, ինչ իրական է, այլ և այն, ինչ որ պիտի յինի։ «Արժէքներից է աճում, զարգանում և արժէքների վրայ հանդչում մեր հոգեկան կեանքը», — ասում է Ռիլ, Իսկ չը կայ արժէք առանց տելէօլօգիայի։ Մեր հոգու բովանդակ զարգացումը, մեր գործողութիւնների կեանքը հիմւած է նպատակաբանական սկզբունքի վրայ։ Իսկ առանց այս սկզբունքի, կամ ռառանց այդ արժէքների կը լինէր մեր կեանքի նաւարկութիւնը յիրաւի առանց կողմնացոյցի» (Ռիլ)։ Բայց մենք ունենք այդ կողմնացոյցը։ Մարդկային գործողութիւնները ներկայ քաղաքակրթութեան աստիճանի վրայ այնչափ ազատ են, որ մարդը կարող է իր բախուը յայտնի չափով տնօրինել և իր կեանքի երթը որոշել։ Եւ որքան բարձրանում է քաղաքակրթութիւնը, մարդու գիտակցութիւնը, այնքան աւելի նա տէր է լինում իր բախութիւնութեան, իր ճակատագրին։

Իդէալը կայ. ոչ չի կարող ժխտել։ Իսկ իդէալի գործութիւնն արգէն ինքնին, չենք ասում բացասումն, սակայն սահմանափակումն է մեխանիզմի սկզբունքի։ Եթէ, յիրաւի, մեր բովանդակ գործողութիւնները անհրաժեշտորէն որոշած լինէին, եթէ ամեն ինչ ենթարկւած լինէր «իրերի բնական-տարերային ֆաթալ ընթացքին» և մարդն էլ լինէր այդ ընդհանուր հոսանքի մի անկամ և կրաւորական մասնիկը, այն պարագային մենք ամենին տոիթ էլ չէինք ունենայ խօսել մօտաւոր և հեռաւոր նպատակ-

ների և երազել սօցիալական իդէալի մասին։

Բայց այդ իդէալը գոյութիւն ունի, և ամեն մէկի սիրութ բարախում է նրա համար։ Առանց այդ իդէալի ուղղակի անհնարին կը լինէր հասարակական երեւոյթների, պատմական ակտերի և դիպւածեերի ձրշգրիտ հասկացողութիւնը, նրանց ըմբռնումը։ Հասարակական կեանքի մէջ մարդը զնահատող է. բոլոր գիտողութիւնները վերին աստիճանի սերտ կապւած են բարոյական արժէքների և զնահատումների հետ։ Մարդը չի կարող անտարբեր մնալ հասարակական-քաղաքական երեւոյթների շրջանակում, լինել լուռ հանդիսատես և «օքիեկտիւ» դիտող։ Այդ անկարելին է։ Մարդը, ընդհակառակը, տարւում, ոգեորւում է սօցիալական-քաղաքական փաստերով և երեւոյթներով, նա դատում և դատում է, լալիս և ինդում, տանջում և յուղուում։ Ահա այս տարրերն են, որ հասաւոր են դարձնում սօցիալ-քաղաքական երեւոյթների և շարժումների հասկացողութիւնը։

* * *

Եւ կարելի է հաստատապէս ու առանց վերապահութեան պնդել թէ չը կայ, և չի կարող լինել, մի անհատ, մի խմբակցութիւն կամ ընկերակցութիւն և մի կազմակերպութիւն առանց մօտաւոր և հեռաւոր նպատակի։ Նայէք և դիտէք գէթ մի բոպէ ձեր շուրջը եռող և պայքարող կեանքը, և խսկոյն կը համոզւէք։ Տիրողը տելէօլօգիական տարրն է, նպատակի տեսակէտը կամ, որ մինոյնն է, սօցիալ-պատմական անհրաժեշտութիւնը։

«Խմբակցութիւն», «ընկերակցութիւն», «կազմակերպութիւն» հասկացողութիւններն արդէն ինք-

նին նպատակաբանական միութիւններ են: Այդ երեւոյթին մենք ականատես ենք ինչպէս զարգացման ամենապըիմիտիւ աստիճանի վրայ կանգնած մարդկալին հասարակութեան, նոյնպէս XX քաղաքակիրթ դարի շէմքում կանգնած հասարակութեան մէջ: Մի տեղ պակաս գիտակցական, միւս տեղ՝ աւելի բարձր գիտակցական: Բայց էապէս երևոյթը նոյն բնոյթն է կրում, կեանքը մինոյն խնդիրն ունի—նպատակ: Այդ բոլոր միութիւնները որոշ նպատակի ծնունդ են և որոշ նպատակի համար են, որոնք՝ երեան գալով կեանքի մէջ՝ աշխատում են երեսց ընդհանուր նպատակի իրագործման համար: Հասարակութիւնն ինքն ևս այդպիսին է, մի կազմակերպութիւն որոշ նպատակի համար:

Սօցիալ-դեմօկրատիա. սա մի կուսակցութիւն է, որոշ մարդկանց միութիւն, մի կազմակերպութիւն: Նրա հիմքում կայ զրւած նպատակի սկզբունքը, թէև իրենք սօց-դեմօկրատիայի թէօրետիկները իրեսց համարում են «իրերի բնական ընթացք»ի հետևորդներ: Սօց-դեմօկրատական կազմակերպութիւնը՝ իբր այդպիսին՝ ունի իր մօտաւոր և հեռաւոր նպատակը, իր մինիմալ և մաքսիմալ ծրագիրը. նա ունի նաև իր իդէալը: Իսկ այդ մինիմալ և մաքսիմալ ծրագիրները, ըստ էութեան, այլ բան չեն, եթէ արժէքների և գնահատումների, հետեւապէս, նաև տելէօլոգիայի անմիջական և հարազատ արդիւնք: Սօցիալ-դեմօկրատիան մտնելով հասարակական-քաղաքական կեանքի մէջ, առաջադրում է իր մինիմալ և մաքսիմալ պահանջները, խտացնում է իր շարքերը և սպայքար մղում նրանց իրականացման համար ամենուրէք՝ պարագանենարում, սէյմերում, մամուլի մէջ և այլու նա

չի կանգնում ինդիֆերենտ, հեռւից անմաս դիտողի դերի մէջ և ոչ էլ ձեռքերը ծալած սպասում ռիրերի բնական-տարերային ֆաթալ ընթացքին»:

Ի՞նչ են ներկայացնում այս բոլորը: — Նախ այն, որ սա մի աչք ծակող հակասութիւն է մարքսեան «իրերի բնական ընթացքի» և, երկրորդ, մի ամբողջ սօցիալական տելէօլոգիա, ոչ օբիեկտիվ, այլ սուբյեկտիւ: Ինչպէս որ կ. Մարքսը՝ իրեւ խոշոր միտք և խորունկ գիտակցութիւն կըող անհատ՝ հասակումն է, մինչև իսկ բացասումն այն դրութեան, թէ անհատի դերը պատմութեան մէջ հաւասար է զերօի, նոյնպէս և սօցիալ-դեմօկրատիան՝ իրեւ կազմակերպութիւն՝ հակասումն է մարքսեան մեխանիզմի, իրերի «բնական ընթացքի»:

Այսպիսով նրանք ևս իրօք կանգնած են այն տեսակէտի վրայ, ինչ մենք ենք ներկայացնում: Նրանք ևս հաստատում են սուբյեկտիւ տելէօլոգիայի սկզբունքը:

Մենք, կարծում ենք, իրաւունք ունենք, մինչայժմեան անալիգից եզրակացնել, որ նպատակի տեսակէտը, սօցիալ-պատմական անհրաժեշտութիւնն է իշխում հասարակութեան մէջ, սօցիալ-պատմական երկութիւնների սահմանում:

Եւ միւս կողմից, քանի մարդը աւելի ճանաչի բնութեան և հասարակական օրէնքները, քանի բարձրանայ կուլտուրայի մակերեսոյթը, այնքան աւելի կը շեշտու նպատակի տեսակէտը, հետեւապէս, մարդու կատարելիք դերը:

Բայց անցնենք մասսաների և անհատների դերին պատմութեան մէջ, մի հարցի վերլուծման, որ անմիջական և շատ սերտ կերպով կապւած է այս խնդրի հետ:

XI

ԱՆՀԱՏԻ ԵՒ ՄԱՍՍԱՅԻ ԴԵՐԸ

ՊԱՏՄՈՒԹԵԱՆ ՄԷՋ

Այն հարցը, թէ պատմութիւնը անանուն մասաներն են որպակում թէ անհատները, զբաղեցրել է, և զբաղեցնում է, ամեն մի պատմագէտի, ամեն մի պատմափիլիսօփայի և հասարակագէտի:

Տիրում են տարբեր տեսակէտներ, իրար տրամագծօրէն հակադիր ուղղութիւններ: Կան պատմագէտներ և սօցիօլօգներ, որոնք բացասում են անհատի գերը պատմութեան մէջ և շեշտում են միմիայն մասսայի նշանակութիւնը, դարձնելով նրան որպէս առաջմղիչ որժ պատմական էվոլիւցիայի, առնասարկ սօցիալական-քաղաքական գարգացման: Այդպիսի մտածողներ են կօնդօրսէ, Բօկլ, Կօնտ, Մարքս և ալին:

Մտածողների այս շարքի հանդէպ կան և այնպիսի գէմքեր, նոյնքան հեղինակաւոր և խոշոր, որոնք, ընդհակառակն, ճանաչում են անհատի, «մեծ մարդկանց» գերը պատմական պրօցեսի մէջ և մերժում մասսայի նշանակութիւնը: Օրինակ, թօմաս Կարլէյ-

լի, անդլիացի յայտնի պատմաբան-փիլիսօփայի և «Հերոսները ու հերոսականը պատմութեան մէջ» աշխատութեան հեղինակի համար պատմութիւնն այլ բան չէ, քան անհատների, մեծ մարդկանց կենսագրութիւնների գումարը:

Բայց մենք չենք ընդունում այդ երկու տեսակէտն էլ, գտնելով թէ մէկը և թէ միւսը խիստ ծայրալեղ և միակողմանի, ինչպէս և իրականութեանը չը համապատասխանող: Մենք ճանաչում ենք թէ մասսաների և թէ անհատների գերը պատմութեան մէջ: Եւ ձշմարտութիւնը մեր կողմն է: ✕

Բայց անցնենք ապացուցութեանը և լուսաբանութեանը, տեսնենք ինչ չափով այդ տեսակէտները համապատասխանում են իրականութեանը: Կանգ առնենք գրանց վրայ զատ-զատ:

Առաջին տեսակէտը, որը բացասում է անհատի գերը, միակողմանի է, անգամ սխալ, որովհետև անհատները զերօի արժէք չունեն պատմական ընթացքի համար, պատմական էվոլիւցիայի մէջ: Բայց ովքեր են այդ անհատները, որ գեր են խաղում պատմութեան մէջ: — Նրանք սոսկական անհատներ չեն, այլ կրողներ մտաւոր և բարոյական գիտակցութեան: Եւ խօսել անհատի գերի մասին, նշանակում է խօսել մտաւոր և բարոյական գիտակցութեան մասին: Մտաւոր և բարոյական գիտակցութեան տէր անհատները իննադասօրէն են վերաբերում հասարակական շարժումներին, պատմական առօրէտական կեանքի երեսոյթներին: Այսպէս, պատմութեան մէջ վճռական գեր խաղացող անհատները քննադատօրէն մտածող անհատներն են: Անհարին բան է այդպիսի անհատների գերը առանց ալլ և այլութեան ժխտել: Ձշմար-

տութեան դէմ մեղանչել է նշանակում անգիտանալ այն դերը, որ խաղացել է պատմութեան մէջ մի Ալէքսանդր Մակեդոնացի, մի Ֆրիդրիխ II, մի նապոլէօն: Աւելի ևս անմիտ է ասել, թէ Մահմեդը և Քրիստոսը, իբրև անհատներ և կրօնի հմաղիլներ, վճռական դեր չեն խաղացել պատմական զարգացման ընթացքի մէջ: Անունները կարելի է անընդհատ շարունակել: Ճշմարտութեան դէմ մեղանչել չէ նշանակում հապա, երբ մարդիկ անգիտանում են Ամերիկայի յայտնագործումի այն ահազին նշանակութիւնը: Ոմանք նկատում են, թէ այդ գիւտը, եթէ չը կատարւէր Կոպերնիկոսի ձեռքով, կը կատարւէր մի ուրիշի միջոցով. դա միայն ժամանակի խնդիր էր: Եւ այդ ձեռք նրանք ձգտում են նսեմացնել այդ մեծ յայտնագործումի առաջնակարգ արժէքը: Բայց այդ «սրամիտ» առարկողները զիտակցաբար անգիտանում են մի շատ կարեոր հանգամանք, այն, որ մինչև Ամերիկայի յայտնագործումը մի ուրիշի միջոցով կը կատարւէր, պատմութիւնը, կուլտուրան որոշ չափով կանգ առնել կը նշանակէր, մի խիստ հարւած կինէր այդ կուլտուրայի զարգացման համար:

Դառնանք մեր օրերին: Այս համաշխարհային պատերազմի ընթացքում և ոռւսական յեղափոխութեան մէջ երեան եկան դէմքեր, որոնք, որպէս գաղաթներ, բարձրանում են մեր օրերի պատմական ֆօնի վրայ: Նրանք արդէն որոշ պատմութիւնն են ստեղծել իրենց շուրջը: Ահա մի Փօֆֆը, ահա մի Հինդենբուրգ, և ալին: Ահա, վերջապէս, ոռւսական մեծ յեղափոխութեան վետերաննը, աննման հերոս՝ կերենսկի: Որպէս մտաւոր և բարուական զիտակցու-

թիւն կրող, որպէս քննադատօրէն մտածող անհատ, կերենսկին իր ակտիւ մասնակցութեամբ ոռւսական այսօրւայ պատմութեանը, ներկայ անցուղարձերին տալիս է նոր ընթացք և այդ ձեռք ստեղծում նոր պատմութիւն: Քննադատօրէն մտածող անհատների ոյժը կայանում է հէնց նրանում, որ նրանք կարողանում են պատմական մօմենտները, քաղաքական-հասարակական շարժումները ձեակերպել և իրենց ակտիւ մտանակցութեամբ այդ շարժումներին համապատասխան ընթացք և մղում տալ:

Այս յիշած փառտերն արդէն ինքնին ջրում են կողեկտիւստների միակողմանի պնդումը և բոլորովին անտարակուսելի դարձնում անհատների՝ խորունկ գիտակցութիւն և, որ գլխաւորն է, շեշտած կամեցողութիւն ընդգրկող անհատների նշանակութիւնը պատմութեան մէջ: Բայց այդ այդպէս լինելով հանդերձ, մենք չենք անգիտանում, իհարկէ, այն սօցիալական և տնտեսական-քաղաքական, ինչպէս բնական պայմանների նշանակութիւնը, որոնց մէջ ապրում են արդ անհատները: «Պայմաններն են ստեղծում մարդկանց»: Այս միտքը ունի անկանկած ճշմարտութեան իր որոշ բաժինը, բայց, միւս կողմից, ճիշտ է նաև այն գրութիւնը, թէ մարդը չի ուզում ստրուկ լինել պայմաններին, նա ստեղծում է պայմաններ, աղջում այդ պայմանների վրայ: Զէ որ նոյն այդ պարագաներին պատկանում են նաև անհատական ընդունակութիւնները, մանաւանդ մարդու կամեցողութիւնը և զիտակցութիւնը:

Այսպէս, հասարակական և բնական պայմանները՝ մի կողմից և անհատները իրենց կամեցողութեամբ և զիտակցութեամբ՝ միւս կողմից, գտնուում

են փոխազդեցութեան մէջ։ Հասարակական միջավայրի նշանակութիւնը, ուրեմն, երբէք չի բացառում, բայց նրան չի արւում միակ և բացառիկ տեղ։ Վանդերվելդը յաջող և սրամիտ կերպով նկատում է։ — «անհասկանալի է, երբ ասում են, թէ Բեթովենի կամ Մօցարտի սիմֆոնիան, կանտի կամ Սպինօզայի մետաֆիզիկան, Քրիստոսի կամ Մահմեդի կրօնը արդիւնք են այն հասարակական միջավայրի, ուր նրանք ծնւել են։ Այդ նոյնը կը լինի, եթէ ասենք, թէ բոյսերը արդիւնք են հողի այն պատճառով, որ սերմը կարիք ունի հողի, որպէսզի ծիլ տայ»։

Այստեղ, ուրեմն, նկատողութեան են գալիս թէ միջավայրի պայմանները և թէ այն, ինչ յատուկ է անհատին, այն, ինչ անհատական է։ Որոշ չափով ճիշտ է, իհարկէ, այն գրութիւնը, թէ ամեն ժամանակ իր մարդիկն է առաջ բերում, բայց սա չի կարելի օրէնքի գերածել։ Երբեմն մի զօրավարի մահը խիստ վճռական դեր է խաղում մի պատերազմի վերջնական ելքի վրայ, և չի կարողանում մէկը նրան փոխարինել։ Գօգոլը այրեց իր «Մեռած հոգիներ» պօէմի երկրորդ մասը, նրա միջավայրը չը ստեղծեց ան նորէն։

Այն էլ անկասկած է, որ քանի դնում, այնքան աւելի է պատագրուում անհատը, այնքան աւելի նա անկախ է դառնում միջավայրից, բնական պայմաններից։ Մարդու բարոյական և մտաւոր գիտակցութիւնը ու կամքը բաղթանակում է։ Մեխանիզմը, բնույթականը, յետ է մղում։

* * *

Շեշտելով և ինսամքով ընդգծելով անհատի դերը, մենք չենք անդիտանում նոյնպէս մասսաների նշանակութիւնը, ինչպէս այդ մասին արդէն յիշատակեցինք։ Հասարակական շարժումների, պատմական զարգացման մէջ մասսաների գերը, գոնէ մեզ համար, ամեն տարակուսանքից վեր է։ Մասսան ևս իր ցանկութիւններն է առաջադրում և նրանց համար պայքարում։ Նա ևս բերում է հասարակական կեանքում իր կամեցողութիւնը — կօղեկտիւ կամեցողութիւն։ Բայց մեզ համար կօղեկտիւ և անհատական կամեցողութիւնները, որ մենք իրը տւեալ ենք ընդունում, չեն ներկայացնում իրը հակադիր, իրար չնշող ոյժեր, այլ, ընդհակառակն, իրար լրացնող, ամբողջացնող։ Միայն կան տարբերուող զծեր անհատի և մասսայի ազդեցութեան մէջ պատմական ընթացքի վրայ։ Ճիշտ է, ժողովրդական զանգւածները, հսկայական մասսաները ազդում են պատմութեան ընթացքի վրայ, բայց ոչ այնքան գիտակցօրէն, որքան մելենայաբար։ Խորունկ գիտակցական, պլանաչափ գործունէութիւն չը կայ մասսայական շարժումների մէջ։ Ճիշտ է, առանց մասսայի անհասկանալի է պետութիւն, հասարակութիւն, բայց նրա աշխատանքը պետական գործերի մէջ ստեղծագործական չէ, որքան աշխատանքը մեծ մարդկանց, քննադատօրէն մտածող անհատների, որոնք կոչւում են յաճախ իրաւամբ իրենց «ժամանակի գիտակցութիւնը»։ Նոյնը պէտք է ասել և խոշոր, յեղացրծող իդէաների վերաբերմամբ։ Ճիշտ է, ժողովրդական զարգւածները

ահազին դեր են խաղում այդ իդէաների տարածման գործում, բայց այդ իդէաների սևղծագործութեան մէջ նրանց մասնակցութիւնը անհամեմատ փոքր, անհամեմատ աննշան է՝ անհատի ստեղծագործական խոշոր ոյժի հանդէպ: Այսպիսի պարագայում մասսաներն աւելի օգնողներ են, քան ստեղծագործութեան աշխատակիցներ՝ հաւասար ոյժով և հաւասար չափով: Բայց յամենայն դէպս մասսաների ազդեցութիւնը նոյնպէս անտարակուսելի է: Եւ Թօմաս Կարլէյլի կարծիքը միանգամայն միակողմանի է և սխալ: Նա բացառում է մասսաների գերը, ինչպէս և սօցիալական-քնական պայմանները:

Այս բոլորից պարզ է, որ պատմական զարգացումը կարիք ունի և ժողովրդական մասսաներին, և անհատներին: Դգէաները, կարելի է ասել, առաջանում են անհատականօրէն, իսկ տարածւում են կօլեկտիւ: **Այնպէս** որ անհատների և մասսաների մէջ տիրում է մի հաստատուն փոխազդեցութիւն: Նրանք փոխադարձաբար իրար պայմանաւորում են և լրացնում: Եւ սխալ է միանգամայն կարծել, թէ անհատական կամեցողութիւնը միշտ էլ ընդդէմ է գնում կօլեկտիւ, մասսայական կամեցողութեան: Երբէք նրանց կամեցողութիւնները յաճախ գուգագիպում են միմիանց և փոխադաբար իրար օգնում: Բայց շատ անգամ աւելի ուժեղ է լինում անհատական կամեցողութիւնը և ուղղութիւն է տալիս ժողովրդական զանգւածներին: Անհատներն են ձեակերպում, ի մի գումարում ժողովրդական զանգւածների, մասսաների մէջ ցըւած մտքերը, եղած անորոշ և չը ձեաւորւած տրամադրութիւնները, և այդպիսի դէպքում նրանք աւելի գիւրութեամբ կարողանում են մասսաներին որոշ ուղղու-

թեամբ առաջ մղել:

Այսպէս, անհատները և մասսաները միշտ էլ սերտ և բազմապիսի փոխարաբերութեան մէջ են գտնւում, փոխադաբար ազդում իրար վրայ, միմիանց մղումներ տալիս:

Այստեղ, ինչպէս տեսնում էք, գարձեալ արտայայտում է ցայտուն կերպով մեր աշխարհայեցողութեան սինթետիկ գիծը:

ՅԵՂԱՓՈԽԱԿԱՆ ԻՆՏԵԼԼԻԳԵՆՑԻԱՆ

Աշխատաւոր մարդկութեան ազատագրման մէջ մեծ և վճռական դերը խաղում են արդիւնագործական բանւորութիւնը, աշխատաւոր գիւղացիութիւնը և յեղափոխական ինտելլիգենցիան:

Այս է ասւած Հ. Յեղ. Դաշնակցութեան ծրագրում:

Եւ այս երեք խաւերն են կազմում մեր կուսակցութեան կազմը: Այստեղ մեզ զբաղեցնում է յեղափոխական ինտելլիգենցիան:

Հասարակութեան մտաւորական խաւը, գիտութեան և մտքի ներկայացուցիչները չեն կազմում մի միապաղաղ զանգւած: Բոլոր մտաւորականները չունեն միևնույն հասարակական դրութիւնը, ինչպէս և միևնույն աշխարհաւեցութիւնը և իդէալը: Հասարակութեան այս խաւը՝ ինտելլիգենցիան խիստ շերտաւորւած է, դիրքի և շեշտւած մտածողութեան տարբերութիւնը մեծ է:

Ինտելլիգենցիայի մի խոշոր մասը, բարձր ինտելլիգենցիան, մեզ հետ չէ և որևէ կապ չունի աշխատաւոր մարդկութեան հետ: Անգամ աւելին: Նրանք գեմոկրատիայի թշնամիներն են: Այդ բարձր մտաւո-

բակարութիւնը, արիստոկրատ ինտելլիգենցիան իր սօցիալական դրութեամբ անկարող է ըմբռնել աշխատաւոր մասսաների շահերը և հանդիսանալ այդ շահերի խակական արտայայտիչը և անկեղծ պաշտպանը:

Բարձր մտաւորականները ներկայանում են տիրող կարգի, իշխանութեան պաշտպանը, թագաւորների և կայսրների նեցուկը: Նրանք իրենց մտքի ամբողջ ստեղծագործական թափը, իրենց ընդունակութիւնները, վերջապէս, իրենց անունը և փառքը ծառայեցնում են կապիտալիստների տիրապետութեան ուժեղանալուն և նրանց դասակարգային շահերին:

Կապախալիստները շատ ճարպիկ են շահագործման խնդրում: Նրանք լինելով տէրը դրութեան, օրէնք և իրաւունք ստեղծող, կարողանում են շահագործել, ծառալեցնել իրենց շահերին անգամ ամեն ինչ, գիտութեան մարդկանց, մտքի տիտաններին, վերջապէս, իրեն՝ գիտութիւնը: Այս ձեռվ, գիտութիւնը, գեղարւեստն ու փիլիտոփայութիւնը ստանում են դասակարգային գոյշ, դասակարգային բովանդակութիւն: Շատ խոշոր գէմքեր անգամ դարձել են նրանց կամակատարները, անգամ ստրուկները: Այդպիսիները եղել են ոչ միայն բարձր, այլ և միջին խաւի մտաւորականներից: Այդպիսի օրինակներ շատ է տւել պատմութիւնը, ամեն մի ժողովրդի ինտելլիգենցիան:

Այս արիստոկրատ ինտելլիգենցիան չի կարող միանալ բնաւ սօցիալիզմին, աշխատաւոր դասակարգին:

Բայց այդ կարգի մտաւորականների հանդէպ կայ ինտելլիգենցիայի մի այլ կատեգորիա, որ մեզ հետ է, և չի կարող մեզ հետ չլինել: Ինտելլիգեն-

ցիւայի ստորին խաւճ է այդ:

Այս կարգի ինտելիգենցիան իր մտայնութեամբ կանգնած է աշխատաւորութեան տեսակէտի վրայ և իր սօցիալական դրութեամբ պատկանում է աշխատաւոր դասակարգին: Ինտելիգենցիայի այդ կատեգորիան էլ, բանւորի և աշխատաւոր գիւղացու նման, ապրում է իր ճակատի քրտինքի հալալ արդիւնքով, իր օրավարձով, և ոչ թէ յաւելեալ աշխատանքով, ուրիշի աշխատանքը շահագործելով:

Ինտելիգենցիայի այս մասը միշտ էլ եղել է արդիւնագործական բանւորութեան ու աշխատաւոր գիւղացիութեան հետ և հանդիսացել է նրանց առաջնորդը, աշխատաւորութեան դասակարգային իդէօլոգիայի մշակողը:

Այս կարգի ինտելիգենցիան է խորապէս գիտակցում տիրող իրաւակարգի, քաղաքական և հասարակական դրութեան բովանդակ և աղաղակող անարդարութիւնը և ամբողջ թափով նետում պայքարի ասպարէզը ու անխնայ քննադատութեան ենթարկում տիրող կարգը, տիրող հայեացքները, հասարակական և իրաւական հասկացողութիւնները

Սօցիալիստական և յեղափոխական ինտելիգենցիան է այս:

Փոքը ոյժ և մեծութիւն էր ներկայացնում յեղափոխական ինտելիգենցիան անցեալում: Բայց ալ-սօր նա բոլոր ժողովուրդների և ազգերի մէջ կազմում է մի պասկառելի, հզօր ոյժ և, որ զիւաւորն է, նրա շարքերը արտակարգ արագութեամբ խտանում են նորանոր ինտելիգենց ոյժերով: Եւ, շատ բնական է, որ նրա պայքարն էլ հետզհետէ դառնում է աւելի սպառնական, աւելի վտանգաւոր կապիտա-

լիստական դասակարգի համար:

Շատ յաճախ նկատւած է պատմութեան ընթացքում, բոլոր հասարակութիւնների մէջ, որ յեղափոխական ինտելիգենցիայի շարքերն են մտնում, հետեապէս, սօցիալիզմին են յարում նոյնիսկ բարձր խաւերից, իշխող դասակարգի մտաւորականներից: Դրանք բացառիկ գէմքեր են, գլխաւորապէս գիտակից տարրերը, «մտաւոր և բարուական հեղինակութիւնները» ու մեծութիւնները, ինչպէս շեշտած է Հայ Յեղ. Դաշնակցութեան ծրագրի մէջ: Այդ տիպի մտաւորականները իրենց մտածողութեամբ արտադասակարգային են: Նրանք զիտակից և իննադասօրէն մտածողներ են, նրանք գերազանցապէս գաղափարական անհատներ են, որ կարող են և ընդունակ են զոհաբերելու իրենց անձնական կեանքը, ազատութիւնը և հարստութիւնը՝ բարձր, հանրային շահերի, աշխատաւոր մարդկութեամն ազատագրման ազնիւ գործին: Եւ սօցիալիզմի մի շարք մաքուր, պանծալի գէմքեր և ներկայացուցիչներ հասարակութեան բարձր խաւերից են:

Աւելին կարելի է ասել: Ոօցիալիզմը՝ իբր իդէալ՝ չի յղացել բանւորութիւնը: Սօցիալիզմը յղացել է և մշակել յեղափոխական ինտելիգենցիան՝ իր քննադատական մտքի միջոցով: Այս բանի մէջ համոզւելու համար, բաւական է միայն մի ըուպէ վերյիշել սօցիալիզմի կարապետներին, առաջին սօցիալիստներին՝ Բաբեօֆ, Ֆուրիէ, Բօբերտ Օուէն, Սեն-Միմօն, Լուի Բլան, Պրուզոն, վերջապէս Կարլ Մարքս և Ֆրեդրիխ Էնգելս: Դրանցից մի քանիսը մինչև իսկ լորդ և իշխան են, գործարանատէր և կապիտալիստ: Բօբերտ Օուէնը, օրինակ, հսկայական գործարան ունէր, մեծա-

քանակ հարստութեան տէր էր:

Սօցիալիզմը միշտ էլ նոր ու նոր ուժեր է գրաւում զանազան խաւերի ինտելիգենտների շարքերից և այսպիսով մեծանում է սօցիալիստական ինտելիգենցիայի հմայքը և ոյժը: Իսկ նրա խսկական յենարանը կազմում են աշխատաւոր մասսաները՝ բանուրութիւնը և գիւղի աշխատաւորութիւնը:

Եւ վերջնական յաղթանակը տանելու են սրանք — յեղափոխական ինտելիգենցիան, արդիւնագործական բանւորութիւնը և աշխատաւոր գիւղացիութիւնը: Իսկ սրանց յաղթանակը հաւասար է դասակարգերի և դասակարգային կուի վերացման, քանի որ թագաւորելու է աշխատանքի սկզբունքը, քանի որ ստեղծւելու է աշխատաւոր մարդկութիւն, բոլորն աշխատելու են հաւասար և վայելելու են հաւասար: Գիտութիւնը, այդ ինքնին մեծ ազատարարը, ազատագրւելու է իր ճորտական դրութիւնից, դասակարգային գոյնից և բովանդակութիւնից, նա այլ ևս չի հանդիսանալու որպէս շահագործման մի դործիք կապիտալիստների, տիրող դասակարգի ձեռքում:

Սօցիալիստական ինտելիգենցիայի, աշխատաւոր բոլոր մասսաների յաղթանակը բերելու է նոյնպէս գիտութեան մտքի բոլոր ներկայացուցիչների ազատագրումը: Գիտութիւնը ծառայելու է ամբողջ մարդկութեան և հանդիսանալու է յիրաւի մի բարիք, մի գերազոյն բարիք: Գիտութեան մարդկանց, բոլոր կարգի մտաւորականների աշխատանքը դառնալու է գերազանցապէս ստեղծագործական:

Իսկ այս հսարաւոր է միայն սօցիալիզմի թագաւորութեան միջոցին:

XIII

ՍՈՒԲԻԵԿՏԻՎԻԶՄ ԵՒ ՍՈՒԲԻԵԿՏԻՎ

ՍՕՑԻՈԼՈԳԻԱ

Սուբիեկտիվ սօցիոլոգիայի շուրջը յաճախ և կատաղի աղմուկ է եղել, անգամ կըքեր են յուզւել յատկապէս Ռուսաստանում: Այժմ էլ նոյնը շարունակւում է, միայն աւելի մեղմ ձևով: Ընդհարումը տեղի է ունենում գլխաւորապէս մարքսեան սօցիոլոգիայի, մտերիալիստական պատմահայեցողութեան և սուբիեկտիվ սօցիոլոգիայի միջև, և յաղթանակը մնում է վերջինի կողմը:

Որմնք են սուբիեկտիվ սօցիոլոգիայի էական և բնորոշ կողմերը: Սուբիեկտիվ սօցիոլոգիայի մի շարք հիմնական դրութիւնների հետ միանք արդէն ծանօթացել ենք, անգամ տւել նրանց հանգամանորէն վերլուծումը, բայց առանց անունը յիշելու:

Բայց նախքան այդ անհրաժեշտ է պարզել մեր դիրքը սուբիեկտիվիզմի վերաբերմաբ: Մեր այս փոքրիկ հասարակագիտական էտիւդներում յաճախ խօսք է եղել սուբիեկտիվիզմի մասին, բայց միայն թուցիկ և անցողակի կերպով:

Ի՞նչպէս հասկանալ սուբիեկտիվիզմը: —

Կան նրա տարբեր ըմբռնութերը։ Շատերը խըրտնում են հէնց սուբիեկտիվիզմ տերմինից, առանց բովանդակութիւնն իմանալու։ Անկասկած միանդամայն այլ բան է, երբ մէկը իր գլխից մի սիստեմ է ստեղծում, երբ իր անձնական մտածութերին վերագրում է իրական գոյութիւն։ Այս տեսակի սուբիեկտիվիզմը անհող է և ցնորական միանգամայն, հետևապէս, ոչ մի առնչութիւն չունի իրականութեան, իրական աշխարհի հետ։

Մեր ըմբռնած սուբիեկտիվիզմը, հասարակագիտակար սուբիեկտիվիզմը անհող և ցնորական չէ, այլ միանգամայն իրական, ոչալ կեանքի հետ սերտօրէն կապւած։

1 Մեր ըմբռնած սուբիեկտիվիզմի համար խիստ ընորոշ է յատկապէս վերաբերմունքի հարցը։ — Մեր տեսակէտով անհնարին է անվրդով և հանգիստ, հետևապէս, բոլորովին օբյեկտիւ կերպով վերաբերել սօցիալական, քաղաքական, բարոյագիտական փաստերին և երևոյթներին։ Այստեղ մենք ցոյց ենք տալիս որոշ վերաբերմունք։ Եւ այլ կերպ էլ չի կարող լինել։ Ամեն մի առարկայ, ամեն մի դէպք և երևոյթ անխուսափելիօրէն առաջ է բերում դէպի իրեն որոշ վերաբերմունք, սուբիեկտիւ վերաբերմունք, և այլ կերպ էլ առարկան չի կարող ազդել մարդու, մեզ վրայ։ Մի պայմանով միայն, եթէ մենք ըմբռնում ենք առարկայի և երևոյթի էութիւնը, եթէ մենք չենք մնում կանգնած երևոյժի արտաքին մակերեսոյթի վրայ։ Մարդիկ յաճախ կը կնում և յանձնարում են ուրիշներին այն խիստ բանալ միաքը, թէ «չպէտք է արտառել և ծիծաղել, այլ միայն հասկանալ»։ Այս միտքը հասարակական-քաղաքական կեանքում մի

անհնեթեթութիւն է միայն, ուրիշ ոչինչ։ Զծիծաղել այն բանի վրայ, ինչ ծիծաղելի է, նշանակում է ուղղակի չհասկանալ, չարտասւել այնտեղ, ուր արտասւելու պատճառ կայ, նշանակում է չհասկանալ։ Մարդը տարւում, ոգեորւում է հասարակական-քաղաքական փաստերով, դատում և դատում, լավու է և խնդում, տանջւում է և յուզւում։

Ահա այս իմաստով վերցրած սուբիեկտիվիզմը, սուբիեկտիւ տարրը ամսուսափելի, անպայման և անհրաժեշտ է սօցիօգիտայի մէջ, հասարակական-քաղաքական կեանքի շրջանակում։

Այստեղ արդէն ընդգծում է սուբիեկտիւ սօցիօգիտայի բնորոշ կողմերից մէկը։

Բայց շարունակենք։ —

Սնհատները, խմբակցութիւնները ապրելով հասարակութեան, սօցիալական երեսյթների բարդ հիւսւածքի մէջ, միշտ էլ երեան են բերում իրենց որոշ ցանկութիւնները, կամեցողութիւնները և նպատակները։ Խսկ ուր նպատակ կայ — հասարակական երեսյթների շրջանակում միշտ էլնպատակներ կան — այստեղ չի կարող չլինել երեսյթների և փաստերի գնահատութիւն, սուբիեկտիւ գնահատութիւն։ Մարդ-անհատն ըստ իր էութեան ունի բարոյական գիտակցութիւն և այդ կազմում է նրա անբաժան մասը, նրա սեփական եար, բարոյական եար, որից անկարող է պոկ գալ։ Հէնց այդ բարոյական գիտակցութիւնը հարկադրում է նրան գնահատել, որոշ վերաբերմունք սուբիեկտիւ վերաբերմունք ցոյց տալ դէպի փաստերը, երեսյթները, դէպի մարդկանց յարաբերութիւնները, քաղաքական շարժումները։

Այստեղ նա չի բաւականանում նրանով, ինչ

կայ, ինչ տւեալ է, ինչ անգամ ճշմարտութիւնն է, այլ նա ուղում է նոր դրութիւն, նա գնահատում է այդ իր սուբիեկտիւ տեսակէտով, իր հասարակական-քաղաքական իդէալի տեսակէտով:

Ամենուրեք և ամեն ժամանակ մարդկութեան փոքրամասնութեան երջանկութիւնը ձեռք է բերւած հսկայական մեծամասնութեան, ժողովրդի 90—95 տոկոսի, գժբախտութեան գնով:

Մի գիտական ընդհանրացում, գիտական ճշմարտութիւն է այս, մի անհերքելի փաստ, ճշտւած ժողովուրդների պատմութեան մէջ: Եւ մեր մտաւոր գիտակցութիւնը, մեր միտքը ընդունում է այս գիտական դրութիւնը:

Բայց մեր բարոյական գիտակցութիւնը, ընդհակառակը, չի հաշտում այդ դրութեան հետ, որքան էլ նա մի ճշմարտութիւն է, փաստ, պատմական իրողութիւն:

Իսկ ինչու, որովհետեւ դա հակասում է մեր արդարութեան տեսակէտին, մեր սօցիալական իդէալին: Հասարակութեան գիտակից փոքրամասնութիւնը, քննադատորէն մտածող անհատները կատաղի պարքար են մղում այդ անարդար, թէն գիտական դրութեան դէմ, աշխատելով հաստատել արդար կարգ, արդար բաշխումն բարիքների: Նրանք ոչ միայն ուզգում են գիտական հասարակութեան զանազան դասերի մէջ եղած յարաբերութիւնը, այս կամ այն պատմական փաստը կամ ճշմարտութիւնը, այլ, գիտնալուց դատ, նրանք կամենում են ամենից առաջ իրենց հասարակական իդէալի, բարոյականութեան և արդարութեան տեսակէտի իրականացումը կհանգում:

Այս վերլուծումից արդէն երկան են գալիս սու-

բիեկտիւ սօցիօլօգիայի մի շարք զբութիւնները, մի շարք յատկանշական գծեր: Ամենից առաջ այն, որ ընդունելով սուբիեկտիւ տարրը սօցիօլօգիայի մէջ, մենք բնաւ չենք ժխտում օբիեկտիւիզմը, օբիեկտիւ տարրը: Այդ կը լինէր մի խորին թիւրիմացութիւն և սխալ միանգամայն: Իրար չժխտելով, սերտօրէն միացած են միմեանց հետ այս երկու տարրերը, ինչպէս սուբիեկտիւ ճշմարտութիւնը և օբիեկտիւ ճշմարտութիւնը:

Երկրորդ, այս վերլուծումից հետեւում է արդարութեան տեսակէտը, որի հետ կապւած է նոյնպէս բարոյականութեան տեսակէտը: Քննադատորէն մտածող անհատները յետ մղելով այն ըոլորը, ինչ բարոյական և արդար չէ, առաջ են մղում ու պաշտպանում են այն, ինչ բարոյական և արդար է: Բարոյականի և արդարութեան կատեգորիաները սօցիօլօգիաի մէջ անհրաժեշտ են և անպայման, ինչպէս սուբիեկտիւ տարրը: Սուբիեկտիւ իստական-հասարակագիտական դպրոցի յայտնի ներկայացուցիչներ Լաւրով և Միհիալյովսկի սօցիօլօգիան անբաժան գիտութիւն չեն համարում բարոյագիտութիւնից: Այդ երկու գիտութիւնները, սօցիօլօգիան և բարոյագիտութիւնը սերտօրէն կապւած են իրար հետ:

Հ. Յ. Դաշնակցութեան նիմնադիրների և ղեկավարների համար ևս խիստ յատկանշական է բարոյականի և արդարութեան տեսակէտը: Քր. Միքայէլեանի տեսակէտով, միայն բարոյական մարդիկ կարող են լաւ յեղափոխական լինել: յեղափոխական ասպարէզը շարլատանի համար չէ:

Երրորդ՝ ներգործօնութիւնը: Անհատները և հասարակական խմբակցութիւնները միշտ էլ ներգործօն,

ակտիւ մասնակցութիւն ունեն հասարակական-քաղաքական երևոյթների մէջ, ձգտելով իրենց իդէալի, սուբիեկտիւ պահանջների համաձայն ուղղութիւն և ձև տալ շարժումներին ու երևոյթներին։ Առանց այդ ակտիւ գործունէութեան անհասկանալի է հասարակական կեանքը։

Եւ չորրորդ, այդ վերլուծումից հետեւում է նպատականական տարր, նպատակաբանական տեսակէտը հասարակագիտութեան մէջ, բայց սուբիեկտիւ նպատակաբանութիւը (տելէօզիփա), որ իրական մարդու տեսակէտն է փաստապէս։ Առանց որոշ նպատակների անհասկանալի է հասարակական կեանքը։ Հասարակական-քաղաքական կեանքի շրջանակում միշտ էլ կան նպատակներ։ Անհատների և խմբակցութիւնների ակտիւ մասնակցութիւնը հէնց այն իմաստն ունի, որ դնում են որոշ նպատակներ և աշխատում են այդ նպատակներն իրագործել կեանքի մէջ։ Մարդակենարկն տեսակէտն է տիրապետող հասարակագիտութեան մէջ, և առհասարակ։ Այդ նշանակում է, որ մարդն է միշտ էլ իրեն զգում ամեն ինչի կենտրոն, և ամեն ինչ մարդու համար է։ Զկայ արդարութիւն լոկ արդարութեան համար, հարստութիւն հարստութեան համար, ճշմարտութիւն՝ ճշմարտութիւն համար։ Կայ միայն արդարութիւն, հարստութիւն և ճշմարտութիւն մարդու համար։

XIV

ՊԱՏՄԱԿԱՆ ՐԵՍԼԻԶՄ

Պատմական ըէալիզմի տեսակէտի վրայ է կանգնած Հայ Յեղ. Դաշնակցութիւնը։

Պատմական ըէալիզմը խիստ արագ նւաճումներ է անում և, ընդհակառակը, զգալի կերպով յետ են մղւում միւս պատմահայեցողութիւնները—պատմական իդէալիզմը և պատմական մատերիալիզմը։

Այդ է ցոյց տալիս մաքի յարաճուն զարգացումը՝ մի կողմից և հասարակական կեանքը՝ միւս կողմից։

Պատմական ըէալիզմի մի քանի հիմնական թէզերի հետ արդէն ծանօթ ենք և մենք այդ տեսակէտով ենք մօտեցել երևոյթների լուսաբանութեան։

Ո՞րոնք են պատմական ըէալիզմի կամ, որ միենոյնն է, ըէալիստական պատմահայեցողութեան, հիմմական դրութիւնները։

Պատմական ըէալիզմի ելակէտը կազմում է պատմական պրօցեսը իր ամբողջական ընթացքի մէջ։ Նա միակողմանիօրէն չի դիտում այդ ամբողջական պրօցեսի այս կամ այն բաղկացուցիչ տարրը, համարելով այդ պատմական էւօլիւցիայի միակ առաջ-մղիչ ոյժը, մի բան, որը կազմում է միւս պատմահայե-

ցողութիւնների շեշտուած յատկութիւնը:

Ռէալիստական պատմահայեցողութիւնը դերծ է այդ միակողմանիութիւնից: Նա դժուում է բոլոր գործօնները, աւելի ճիշտ բոլոր տարրերը իրենց ընդհանուր կապակցութեան, ընդհանուր զարգացման մէջ: Նա չի դատում այս կամ այն տարրը, որ մի բռնազրուիլ և հիւանդագին ապերացիա է, և տալիս նրան առաջնական նշանակութիւն: Ռէալիստական պատմահայեցողութիւնը շեշտում և ճանաչում է այդ բազմապիսի տարրերի իրարպատկանելիութիւնը և փոխազգեցութիւնը: Այդ պատմական բաղմազան տարրերը կամ գործօնները, ինչպէս՝ իդէա և անտեսութիւն, աշխարհագրական դիրք և միտք, մասսաններ և անհատներ, կօլլեկտիւ և անհատական կամեցողութիւններ, մօրալ և գեղարւեստ, կրօն և փիլիսոփայութիւն, ըասսա և կլիմայական դրութիւն—այս բոլոր տարրերը գտնուում են յաւիտենական փոխազգեցումի առնչութեան մէջ: Նրանք փոխադարձաբար իրար որակում և պայմանաւորում են: Այդ տարրերը միշտ էլ երեան են գալիս միասին պատմական զարգացման մէջ, միասին որակում պատմութիւնը և տուած-մղիչներ հանդիսանում: Այս տարրերը առհասաբակ այնպէս զուգաւորւած և շաղկապւած են պատմական ընթացքի, պատմական զարգացման մէջ, որ ուղակի անհնարին է զատել նրանց և իւրաքանչիւրի դերը զատ-զատ գնահատել:

Վերցնենք, օրինակի համար, ապրանքային արտադրութիւնը:

«Խօսելով ապրանքային արտադրութեան մասին, —ասում է Զերնով իր «ՓԱԼ. Ի ՍՕԾ. ԷՏՈԾԵ» աշխատութեան մէջ—իրը քաղաքատնտեսութեան օրինկտի,

մենք գործ չունենք երբէք անտեսական սուբատանցի մաքուր բիւրեղի հետ, որը չը պարսւնակէր իր մէջ ուրիշ խառնուրդ, ոչ մի զբան իրաւական կամ հոգեբանական տարր: «Ապրանքային արտադրութիւնը» հասկացնում է բուրժուական սեփականութիւն և նրա հետ կապւած իրաւական հաստատութիւնների գոյութիւնը—ժառանգականութիւն, գնում-վաճառում, և այլն: Ապրանքային արտադրութիւնը կատարւում է իրաւական որոշումների շրջանակում և առանց նրանց անկարելի է, Բացի զբանից, ապրանքային արտադրութիւնը հասկացնում է նաև սօցիալական հոգեբանական երևոյթների մի ամբողջ շարք, և այդ իրաւական օրէնքները և սօցիալ-հոգեբանական երեւոյթները չեն ներկայանում իրը արդիւնք ապրանքային արտադրութեան, այլ մի և անբաժան ամբողջութիւն նրա հետ: Նրանք մէկը միւսով փոխադարձաբար հասկացւում և պայմանաւորուում են: Այսպիսով, ոչ ապրանքային արտադրութիւնն ինքնուրոյն և անկախ գոյութիւն ունի առ առ և պայմանաւորուում են: Այսպիսով սովորական ակսեսուարների հետ, ոչ էլ մանր բուրժուական անհատականութիւնը, այլ գոյութիւն ունի որոշ սօցիալական դրութիւն, որի մէջ անբաժան ձուլւած են և սա, և միւսը, և երրորդը»:

Բայց, միւս կողմից, մենք չենք բացասում անտարակոյս այն փաստը, որ կարող է մի պատմական երեւոյթի մէջ կամ մի գարաշրջանում այս կամ այն տարրը համեմատաբար աւելի գերակշռող լինել, աւելի մղիչ գեր խաղալ, քան միւս տարրերը: Բայց չի կարող երբէք միայնակ, բացարձակ գերիշողը, բացառապէս գոյն տւողը լինել, իսկ միւսները միայն

պատմական անիւի ետեից ընթացող ոչնչութիւններ, ստւերներ։ Երբէք։ Փաստն այն է, որ ոչ թէ այս տարրերից այս կամ այն է որակում պատմական էւլիւցիան, այլ բոլոր տարրերի գումարը, միութիւնը։

Ուրեմն, բէալիստական պատմահայեցողութեան համար գոյութիւն չունեն—և չեն կարող գոյութիւն ունենալ—տնտեսական, իրաւական, իդէօլոգիական երևյալներ զատ-զատ, ամեն մէկը իր համար, այլ գոյութիւն ունեն սօցիալական-քաղաքական պրօցեսներ, որոնց մէջ զուգորդւած են բոլոր տարրերը։ Պատմական յեղաշրջումների աղբերները պէտք է որոնել ոչ թէ սօցիալական զարգացման մի կողմի մէջ, այլ երկու կողմերի փոխազդեցութեան՝ իդէայի և տնտեսութեան, միջավայրի և անհատի, կօլեկտիւ և անհատական կամեցողութիւնների, բնագիտական-մեխանիքական պատճառականութեան և սօցիալ-պատմական պատճառականութեան մէջ, և այն, և այն։ Այս տեսակէտն է ահա կամաց-կամաց տիրապետողը դառնում, և աւելի ու աւելի մշակուում և հիմնաւոր-ւում։

Ուսւ ոօցիօլօգիական դպրոցը, Զերնիշեսկու, Հերցենի, Լաւրովի և Միխայիլովսկու դպրոցը, վեհօրէն ազատ մնաց երեան հանուած միակողմանիութիւններից և մշակեցին մի բէալիստական, բովանդակ պատմական պրօցեսն ընդգրկող պատմափիլիսօփալութիւն։

Բէալիստական պատմահայեցողութեան տեսակէտի վրայ է կանգնած նաև յայտնի պատմաբան և պատմափիլիսօփա Լիդները, որ իր տեսակէտը բնորոշում է իրքև «պատմական պսիխօֆիզիցիզմ»։ Տարրերի փոխազդեցութիւնն է ընդունում նաև ականաւոր սօցիօլօգ-փիլիսօփա Զիմմէլը։ Դէպի բէալիստա-

կան պատմահայեցողութիւնը դիմելու շեշտւած տեսնդենց են ցոյց տալիս և մի շաբթ պատմական մատերիալիստներ։

Ինչպէս սկզբում յիշեցինք, բէալիստական պատմահայեցողութեան տեսակէտի վրայ կանգնած է նոյնպէս Հայ. Յեղ. Դաշնակցութիւնը։ Քր. Միքայէլեանի ամեն մի գրւածքի հիմքում դրւած է այդ տեսակէտը։ Ահա նրա «Ամբոխային տրամաբանութիւնը», «Պատմական յարից», անգամ «Հայ-իրդական յարաբերութիւնը» փոքրիկ աշխատութիւնը։ Նա խնամքով հրապարակ է դնում պատմական երևյթը պայմանաւորող բոլոր պատճառները, վիրլուծման ենթարկում և դիտականօրէն որոշում իւրաքանչիւրի դերը։ Նա դիտում է երևյթը իր ամբողջական ընթացքի մէջ, բոլոր տարրերով։

* * *

Այսպէս, պատմական զարգացմանը մասնակցում են բազմապիսի գործօններ, աւելի ճիշտ, տարրեր։ Այս տարրերը կարելի է՝ ըստ իւրենց բովանդակութեան՝ բաժանել երկու որոշ խմբակցութեան՝ տեսական և իդէօլօգիական։ Դա, այսպէս ասած, տարրերի կլասսիֆիկացիան է, դասակարգումն։ Առաջին խմբակցութեան տակ հաշվում ենք արև բոլորը, ինչ պատկանում է միջավայրին-բնութեան՝ բնական պայմաններ և երևյթներ, հողի յատկութիւնը և ձեր, կլիմա, անտեսութիւն, աշխարհագրական դիբք։ Իսկ երկրորդ խմբակցութեան տակ հասկանում ենք այն, ինչ մարդն է կրում—դիտակցութեան ձեւեր՝ իդէա, մօրալ, դիտութիւն, փիլիսօփայութիւն, իրաւունք,

հոգեբանութիւն, կրօն, քաղաքական կազմ, քաղաքականութիւն: Ուրեմն, մարդն և միջավայրն են սկզբնապատճառները: Մարդը և միջավայրը յաւէտ գտնուում են փոխարաբերութեան և փոխազեցութեան մէջ, իրար փոխադաբար որակում և պայմանաւորում: Նրանք փոխադաբար իրենց գոյութեանը իմաստ են տալիս: Զկայ և անիմաստ է միջավայրը առանց մարդու: Եւ, միւս կողմից, մնամէջ է մարդը առանց միջավայրի: Սրանց մէջ ճիշտ նոյն յարաբերութիւնն է, ինչ օրիեկտի և սուբյեկտի: Մարդը և միջավայրը ու նրանց միջև եղած արդ փոխարաբերութիւններն են կազմում փաստապէս պատմական երեւոյթների ամբողջական բովանդակութիւնը: Նրանցից գուրս տեղի չի ունենում—և չի կարող տեղի ունենալ—պատմական երևոյթ: Մարդը կազմում է պատմութեան սուբյեկտիւ, իսկ միջավայրը՝ օրիեկտիւ կողմը: Բայց սրանք բաժան, զատ-զատ մեծութիւններ չեն ներկայացնում, այլ, ընդհակառակը, կազմում են մի մեծութիւն, մի մեծութիւն՝ ճիշտ այն հասկացողութեամբ, ինչպէս ըմբռնում են Մալ-Աւենարիուսը Փիզիքականը և հոգեկանը—պայմանիցիզմը:

Ի՞նչպէս են ձեւակերպում նրանք այդ ըմբռնումը: Նրանք ընդունում են Փիզիքականը և հոգեկանը անհատի օրգանիզմի մէջ անքակտելի կերպով կապւած. նրանք մի մեծութիւն են: Եւ յիրաւի, անկարելի է փաստապէս բաժանել մարդու հոգեկանը՝ Փիզիքականից. այդ անբաժանելին է: Մարդը ներկայանում է իրականապէս կրողը Փիզիքականի՝ տեսանելի, ըմբռնելի իրերի, և հոգեկանի՝ պատկերացրած մտածողութիւնների:

Նոյն հասկացողութիւնը և առհասարակ: -- Փիզի-

քականը և հոգեկանը կազմում են բաղկացուցիչ մասերը մինայն պրօցեսի: Այստեղ ճանաչւում է մի միակ՝ մեծութիւն, որի մէջ միացած և համակարգւած են այդ տարրերը:

Այս մեծութիւնը անւանում է Ռիխարդ Աւենարիուսը «Երրորդ»: «Ես ճանաչում եմ ոչ Փիզիքականը և ոչ հոգեկանը, այլ մի «Երրորդ», նկատում է նա, մի երրորդ, որ ինքնին ոչ այս է և ոչ այն, առ երկուսը միասին:»

Բայց այդ «Երրորդ» կոչւածը մետաֆիզիկ մտքի արգասիք չէ, այլ մի բէալ, մեզ ծանօթ մեծութիւն: Այդ մեծութիւնը կրողն է Փիզիքականի և հոգեկանի, այն, կրողն, բայց ոչ միացումն: «Միացում» բառը՝ ըստ մեր մտածելակերպի և աշխարհայեցութեան՝ ոչ միայն թերի և անյաջող բնորոշիչ է մեր տեսակէտի, այլ մինչև իսկ սխալ: Այդ կը լինէր յիշաւի գուալիզմ, եթէ ոչ դուալիզմ, գէթ աւելի մօտիկ գուալիզմին, քան մօնիզմին: Իսկ մեր աշխարհայեցողութիւնը, մեր մտածողութիւնը մօնիստական է:

Մենք չենք ճանաչում Փիզիքականի և հոգեկանի «միացումն», ոչ էլ երկու «բաժանելի» կողմերի միութիւն», որովհետև նրանք՝ Փիզիքականը և հոգեկանը, ըստ մեր ըմբռնողութեան, երբէք բաժանւած կանը, որ կարիք լինէր նրանց «միացնելու», մի չեն եղել, որ կարիք լինէր նրանց «միացնելու», մի չեն եղել անբաժանելի, անքակտելի:

Ահա մեր մօնիզմը, մեր մօնիստական տեսակէտը:

Ոչ թէ Փիզիքականի և հոգեկանի միացումն է ար-

դիւնք մարդկային մտքի յետագայ անալիզի և հետազոտութեան, այլ, ընդհակառակը, նրանք սկզբնօրէն միացած են եղել, իսկ բաժանումը խիստ բռնազրօսիկ է և ոչ-գիտական: Եւ այդ բաժանումը հնարաւոր է միայն in abstracto:

Հոգե- Փիզիքական պարալելիզմի ճիշտ նոյն արդ ըմբռնումն ունենք նոյնպէս մարդկային հասարակութեան տնտեսական և մտաւոր կեանքի, իդէօլոգիայի և էկոնոմիկայի միջև եղած յարաբերութեան վերաբերմամբ:

Տնտեսա-իդէօլոգիական պարալելիզմը, պսիխոֆիզիզմի վերև շեշտած իմաստով, կերասում ենք հասարակագիտութեան մէջ:— Ինչպէս որ Փիզիքականը և հոգեկանը անքակտելի կերպով միացած են անհատի մէջ և ընդհանրապէս, նոյնպէս և միւնոյն հասկացողութեամբ շաղկապւած են հասարակական երկոյթների, պատմական պրօցեսի մէջ տնտեսական և իդէայական տարրերը— իդէօլոգիան և տնտեսութիւնը: Եւ այս երկու գործոնների վրայ են բարձրանում երկու՝ ըստ երկութիւն իրար տրամադրէն ջնջող և հակամարտ՝ պատմահայեցողութիւններ— իդէալիստական և մատերիալիստական: Իդէալիստական և մատերիալիստական պատմահայեցողութիւնները մասնաւորապէս, և իդէալիստական ու մատերիալիստական մտայլացումներն ընդհանրապէս, իրաւու, արդիւնք են այն թիւը և հիմնօրէն սխալ ըմբռնումի, որ ունեն նրանց հիմնադիրները և ներկայացուցիչները իդէօլոգիայի և տնտեսութեան, գիտակցութեան և իրականութեան (sein), մտքի և օբյեկտի, իդէայի և մատերիայի յարաբերութեան մասին:—

Նրանք բռնազրօսիկ կերպով զատել, բաժանել

են այդ՝ իսկզբանէ անտի միացած տարրերը, գերազնահատել այս կամ այն, դարձնելով մէկը պատճառ և առաջնական, իսկ միւսը հետեանք և երկրորդական, և այսպիսով հիմնաւորել իրենց պատմահայեցողութիւնը, իրենց փիլիսօփայական վարդապետութիւնը: Ուրեմն, այդ սկզբնական դրութիւնից, սկզբնական միակ մեծութիւնից և հիմունքից են ծագել, ճիւղաւորւել իդէալիստական և մատերիալիստական աշխարհայեցողութիւնները, ինչպէս և պատմահայեցողութիւնները: Իսկ այդ սկզբնական դրութիւննը, այդ միակ մեծութիւնն է կազմում մեր բէալիստական պատմահայեցողութեան հիմնաժայռը, նրա անկիւնաքարը:

Հետեապէս պատմական բէալիզմը չի ներկայանում պատմական իդէալիզմի և պատմական մատերիալիզմի յետագայ միացումը, ինչպէս ոմանք արտայայտում են, այլ, ընդհակառակը, զրանք հէնց սկզբից միացած են եղել մի ամբողջութեան մէջ. նրանց հիմքը մեկ է:

Ահա ինչպէս ենք հասկանում հոգե- Փիզիքական, ինչպէս և տնտեսա- իդէօլոգիական պարալելիզմը:

Բայց մէնք դեռ ասելիք ունենք պարալելիզմի մասին, թէկ անուղղակի, որով աւելի և վերջնականապէս կը պարզուի մեր դիրքը: Մեր ասելիքը վերաբերում է պատճառականութեան և առաջնութեան հարցին:

* * *

Այս երկշարք տարրերը՝ Փիզիքական և հոգեկան, տնտեսական և իդէօլոգիական, գտնւում են փոխարքերութեան, փոխազդեցութեան մէջ:

— 102 —

Այս մենք արդէն գիտենք:

Բայց այս չէ մեղ այժմ զբաղեցնողը: «Յարաբերութիւն» և «անչութիւն» այդ տարրերի միջև ընդունում են բոլոր ժամանակակից մտածողները, բոլոր հասարակական հոսանքները:

Բայց ի՞նչպիսի յարաբերութեան, ի՞նչպիսի առնչութեան մէջ են գտնուում այդ շարքերը:

Ահա այս հարցի շուրջը բաժանուում են կարծիք ները: Այդ երկշարք տարրերի մէջ տեղի է ունենում արդեօք պատճառականութեան մի ակտ, թէ մի այլ տեսակի յարաբերութիւն:

Առաջին դէպքը անընդունելի է: Պատճառականութեան հին ըմբռնումը բացասումն է մինչայժմ զարգացրած և անցկացրած հիմնական տեսակէտի ու մտածողութեան: Պատճառականութիւնն ենթադրում և շեշտում է պատճառի և հետեանքի ակտը: Նա չի ճանաչում և ընդունում ֆիզիքականի և հոգեկանի, անտեսութեան և իդէօլօգիայի հաւասար արժէքը: Նա մէկը համարում է առաջնական, միւսը՝ երկրորդական: Իսկ այս դրութիւնը մենք արդէն մերժել, բացասել ենք:

Ուրեմն, ինչ քնաւորութիւն է կրում նրանց միջև տեղի ունեցած ակտը, յարաբերութիւնը:

Մենք մինչև այժմ գործ էին ածում «համարժէքութիւն», «իրար-պատկանելիութիւն» որոշիչները, որոնցով ուզում էինք բնորոշել մեր տեսակէտը: Այժմ գալիս ենք տալու այդ յարաբերութեանը նոր որոշիչ, որը էլ աւելի կը պարզի նրա իմաստը:

Ֆունկցիայի հասկացողութիւն է այդ, մաթեմաթիքական իմաստով, որ շատ հանձարեղ կերպով կիրառում են Աւենարիուս և Մաթի:

Ինչումն է կայանում ֆունկցիայի, ֆունկցիօնի յարաբերութեան սկզբունքը և էութիւնը: —

Այդ սկզբունքը չէ ընդունում երկու շարքերի միջև պատճառի և հետեանքի ակտ. նա ճանաչում և շեշտում է միմիայն տարրերի մէջ ֆունկցիօնի յարաբերութիւն: Օրինակ, եթէ փոխուում է ա, անպայմանօրէն փոխուում է նաև բ, և ընդհակառակը. Ե-ի փոփոխուութիւնը ա-ի փոփոխուութեան մի ֆունկցիան է, և ընդհակառակը:

Ինչ համեմատութեամբ, օրինակ, մեծացնում ենք մի շրջանի հարթութիւնը, նոյն համեմատութեամբ էլ մեծանում է շրջանի շառաւիզը և, ընդհակառակն, ինչ չափով փոքրացնում ենք շառաւիզը, նոյն չափով անպայմանօրէն փոքրանում է նաև շրջանի հարթութիւնը: Այստեղ շրջանի հարթութեան փոփոխուութեան մի ֆունկցիան է և, ընդհակառակն, շառաւիզի փոփոխուութիւնը շրջանի հարթութեան փոփոխուութեան մի ֆունկցիան է: Այստեղ, ինչպէս պարզ տեսնում էք, չը կայ պատճառ և հետեանք, քանի որ անհնարին է մատնանշել և պնդել, թէ որն է պատճառ և որը՝ հետեանք: Այստեղ մենք գործ ունենք փաստապէս մի մեծութեան հետ:

Նոյն այս երկոյթին ենք ականատես նաև հոգեկան, ինչպէս և տնտեսական-հասարակական կեանքի գործօնների, աւելի ճիշտ, տարրերի մէջ, այն տարրերութեամբ միայն, որ հասարակական կեանքում, պատճառական երկոյթների մէջ տարրերի յարաբերութիւնը և կախումը շատ աւելի բարդ, բազմապիսի է, քան երկրաչափական մեծութեան մէջ:

Եսը և միջավայրը, առաջինն՝ իր բազմապիսի

յղացումներով և տարրերով՝ իդէա, միտք, գիտութիւն,
իրաւունք, մօրալ, փիլիսոփայութիւն, և երկրորդը՝
իր բազմազան բաղկացուցիչ մասնիկներով — հող, աշ-
խարհագրական դիրքը, կլիմա, տնտեսութիւն, գտնը-
ւում են ֆունկցիօնել յարաբերութեան, ֆունկցիօ-
նել կախումի մէջ։ Մէկ տարրի փոփոխութիւնը ու-
ղեցկւում է սննդայմանօրէն միւսի փոփոխութեամբ。
Հի կարող մէկը փոխւել, առանց միւսը փոխւելու:
Ամեն տեղ գործ ունենք ֆունկցիօնել կախումների և
յարաբերութիւնների հետ։ Եւ մենք հենց զրանով էլ
բաւականանում ենք։ Մենք չենք հարցնում, թէ ինչ-
պէս, ինչ կերպ են միացած ֆիզիքականը և հոգե-
կանը, իդէական և նիւթական տարրերը։ Հարցի այդ
ձևով դնելը մեղ շատ հեռուն կը տանէր և կը նետէր
անտարակոյս մետաֆիզիկայի գիրկը։ Մենք շեշտում
ենք, այո, միայն տւած յայտնի փաստը, այսինքն
նրանց ֆունկցիօնել կախումը, մի դրութիւն, որ,
ինչպէս ասացինք, գիտական փորձով հաստատում
և ապացուցւում է։

Ֆունկցիօնալիտետի սկզբունքը, որը վաղուց ի
վեր կիրառւել էր — և շատ արդիւնաւոր էր եղել —
ֆիզիքայի, հոգեբանութեան, բիոլոգիայի մէջ, ան-
խուսափելիօրէն և անհրաժեշտօրէն պիտի գտնէր իր
գործադրութիւնը նաև սօցիօլոգիայի, մէջ, որ այժմ
իրական փաստ է։

Ֆունկցիայի սկզբունքը հիմնօրէն ջնջում է նաև
առաջնորդեալ պրօբլեմը: — Պատմական պրօցէսի
տարրերից մէկը չի ներկայանում իրը պատճառ, միւսը՝
հետևանք, մէկ՝ առաջնական, միւսը՝ երկրորդական,
մէկը՝ սպակուլ, միւսը՝ պասիւ։ Նրանք համարժէք են
մշտական փոխադրեցութեան մէջ։



ՀԵՂԻԱԼԱԿԻ ԳՐԻԱՆՔՆԵՐԸ

- 1) Աւրագատական, (սպառւած) . . . 1 r. 50 կ.
- 2) Պատմափիլիսոփայութիւն 30 կ.
- 3) "ՄԻՏՔ" Գիտական-փիլիսոփայական
ժողովածու 1 r. 50 կ.
- 4) Նիցշե եւ նրա փիլիսոփայութիւնը
(սպառւած) 20 կ.
- 5) Պեսհմիզի փիլիսոփան (Զայէն-
հառէր եւ նրա փիլիսոփայութիւնը) 50 կ.
- 6) Միհասյովսկին ուսչես փիլիսո-
փա-սօցիոլոգ 60 կ.
- 7) N. Michailowsky als Philosoph und
Soziolog, Berlin, 1 r. 50 կ.
- 8) Յունական փիլիսոփայութիւն 25 կ.
- 9) Գերմաներէնից-հայ.քառար 1 r.
- 10) Քր. Միհայէլեան 50 կ.
- 11) Հասարակագիտական ետիդներ 1 r. 50 կ.

ԳԻՆՆ Է 1 R. 50 ԿՈԴ.

ՀԵՂԻԱԼԱԿԻ հասցէն

Редакция „Аревъ“

Ե.Փանցյան

ՀՀ Ազգային գրադարան



NL0202464

